



SERIKALI YA MAPINDUZI YA ZANZIBAR

**OFISI YA RAIS NA MWENYEKITI WA
BARAZA LA MAPINDUZI**

**HOTUBA YA WAZIRI WA NCHI, OFISI YA
RAIS NA MWENYEKITI WA BARAZA LA
MAPINDUZI**

**MHESHIMIWA ISSA HAJI USSI GAVU
KUHUSU MAKADIRIO YA MAPATO NA
MATUMIZI YA FEDHA KWA MWAKA
WA FEDHA2018/2019**

MEI, 2018

YALIYOMO

YALIYOMO	ii
ORODHA YA VIAMBATISHO	iii
VIFUPISHO VYA MANENO	iv
1. UTANGULIZI	1
2. UTEKELEZAJI WA PROGRAMU ZA OFISI YA RAIS NA MWENYEKITI WA BARAZA LA MAPINDUZI KWA KIPINDI CHA JULAI – MACHI 2017/2018	4
2.1 UPATIKANAJI WA FEDHA	5
3. MAFANIKIO YA PROGRAMU ZA OFISI YA RAIS NA MWENYEKITI WA BARAZA LA MAPINDUZI KWA KIPINDI CHA JULAI – MACHI, 2017/2018	7
4. MWELEKEO WA BAJETI YA OFISI YA RAIS NA MWENYEKITI WA BARAZA LA MAPINDUZI KWA MWAKA WA FEDHA 2018/2019	37
5. PROGRAMU KUBWA NA NDOGO NA MAKISIO YA FEDHA KWA MWAKA WA FEDHA 2018/2019	39
6. MAOMBI YA FEDHA KWA KAZI ZILIZOPANGWA KUTEKELEZWA KATIKA MWAKA WA FEDHA 2018/2019	49
6.1 MATUMIZI YA KAWAIDA NA MRADI WA MAENDELEO	49
6.2 MAOMBI YA FEDHA 2018/2019	49
7. MWISHO	50

ORODHA YA VIAMBATISHO

KIAMBATISHO 1: RATIBA YA ZIARA YA RAIS UAE	52
KIAMBATISHO 2: ORODHA YA WAGENI WALIOFIKA IKULU NA KUONANA NA MHESHIMIWA RAIS KUENZIA AGOSTI 2017 HADI APRILI, 2018	55
KIAMBATISHO 3: VIPINDI VILIVYORUSHWA HEWANI NA IDARA YA MAWASILIANO NA HABARI IKULU-ZANZIBAR 2017-2018	59
KIAMBATISHO 4: WAFANYAKAZI WALIOPATIWA MAFUNZO KWA MWAKA 2017/2018	61
KIAMBATISHO 5: IDADI YA WATUMISHI WALIOKWENDA LIKIZO	63
KIAMBATISHO 6: ORODHA YA TAASISI ZILIZOFANYIWA UPEKUZI	64
KIAMBATISHO 7: IDADI YA WATUMISHI WALIOPEWA MAFUNZO YA UDHIBITI NA UTUNZAJI SIRI NA TAASISI WANAZOTOKA	65
KIAMBATISHO 8: ORODHA YA NYARAKA ZA SERA NA SHERIA ZILIZOJADILIWA NA BARAZA LA MAPINDUZI KWA KIPINDI CHA JULAI – MACHI 2017/2018	66
KIAMBATISHO 9: MAPITIO YA UPATIKANAJI WA FEDHA KWA MWAKA WA FEDHA 2017/2018	67
KIAMBATISHO 10: MAKADIRIO YA MAPATO NA MATUMIZI YA BAJETI KWA MWAKA WA FEDHA 2018/2019	69

VIFUPISHO VYA MANENO

AU	Umoja wa Afrika
BLW	Baraza la Wawakilishi
CCM	Chama Cha Mapinduzi
COMESA	Soko la pamoja la Nchi za Mashariki na Kusini mwa Afrika
EAC	Jumuiya ya Afrika Mashariki
GSO	Ofisi ya Usalama wa Serikali
IORA	Jumuiya ya Nchi zilizopakana na Bahari ya Hindi
KMKM	Kikosi Maalum cha Kuzuia Magendo
MKUZA	Mkakati wa Kukuza Uchumi na Kupunguza Umasikini Zanzibar
ORMBLM	Ofisi ya Rais na Mwenyekiti wa Baraza la Mapinduzi
ORMPR	Ofisi ya Makamu wa Pili wa Rais
ORTMSMIM	Ofisi ya Rais Tawala za Mikoja, Serikali za Mitaa na Idara Maalum za SMZ
PAC	Kamati ya Kusimamia Hesabu za Mashirika ya Umma
SADC	Jumuiya ya Maendeleo ya nchi za Kusini mwa Afrika
SUZA	Chuo Kikuu cha Taifa cha Zanzibar
TZS	Shilingi ya Tanzania
UAE	Umoja wa Falme za Kiarabu
UKIMWI	Ukosefu wa Kinga Mwilini
WBV	Wizara ya Biashara na Viwanda
WEMA	Wizara ya Elimu na Mafunzo ya Amali
ZAGPA	Wakala wa Serikali wa Uchapaji
ZBC	Shirika la Utangazaji Zanzibar
ZBS	Taasisi ya Viwango Zanzibar
ZECO	Shirika la Umeme Zanzibar
ZRB	Bodi ya Mapato Zanzibar
ZURA	Mamlaka ya Udhhibiti wa Huduma za Maji na Nishati Zanzibar

1. UTANGULIZI

1. **Mheshimiwa Spika**, naomba kutoa hoja kwamba Baraza lako tukufu, likae kama Kamati kwa madhumuni ya kupokea, kujadili, kuzingatia na hatimae kuidhinisha Makadirio ya Mapato na Matumizi ya Fedha ya Ofisi ya Rais na Mwenyekiti wa Baraza la Mapinduzi kwa mwaka wa fedha 2018/2019.
2. **Mheshimiwa Spika**, awali ya yote, sina budi kumshukuru Mwenyezi Mungu Mtukufu, muumba wa mbingu na ardhi kwa kutujaalia kufika hapa tukiwa katika afya njema na furaha. Namuomba Mwenyezi Mungu aendelee kutudumisha katika amani na utulivu nchini petu. Atuzidishie imani thabiti ya kutekeleza ilani ya Chama cha Mapinduzi ya mwaka 2015- 2020 katika kuwatumikia wananchi wetu kufikia maendeleo tuliokusudia.
3. **Mheshimiwa Spika**, naomba kumpongeza kwa dhati kabisa Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi kwa umahiri wake wa kuiongoza nchi yetu na kusimamia ipasavyo utekelezaji wa majukumu ya Serikali ya Mapinduzi ya Zanzibar kwa kufuata Ilani ya Chama cha Mapinduzi ya mwaka 2015-2020 na Mipango Mikuu ya Kitaifa.
4. **Mheshimiwa Spika**, tabia ya uwazi na uadilifu ya Mheshimiwa Dk. Shein katika uongozi wake ni miongoni mwa mambo yanayoimarisha uwajibikaji

na kuharakisha maendeleo kwa wananchi wa visiwa vyetu vya Unguja na Pemba siku hadi siku. Namuomba Mwenyezi Mungu amzidishie hekima na busara katika kuwatumikia wananchi, ili tuendelee kufaidika na uongozi wake uliotukuka.

5. **Mheshimiwa Spika**, nachukua fursa hii kukupongeza wewe binafsi, naibu wako Mheshimiwa Mgeni Hassan Juma na Wenyeviti wa Baraza lako Tukufu, Mheshimiwa Mwanaasha Khamis Juma na Mheshimiwa Shehe Hamadi Mattar kwa kuliongoza vyema Baraza hili. Katika uongozi wako tumeshuhudia uendeshaji wa mijadala iliyo wazi katika nidhamu ya hali ya juu ya Waheshimiwa Wajumbe wa Baraza lako.
6. **Mheshimiwa Spika**, shukrani maalum ziende kwa Kamati ya Kudumu ya Baraza la Wawakilishi ya Kusimamia Ofisi za Viongozi Wakuu wa Kitaifa inayoongozwa na Mwenyekiti; Mheshimiwa Omar Seif Abeid, Mwakilishi wa Wananchi wa Jimbo la Konde. Kamati hii, kwa kipindi chote ambacho tumefanya kazi nayo, imekuwa ikishirikiana nasi pamoja na ushauri ambao uliwezesha Ofisi ya Rais na Mwenyekiti wa Baraza la Mapinduzi kutekeleza majukumu yake kwa ufanisi zaidi.
7. **Mheshimiwa Spika**, kwa kuwa Kamati za Kudumu za Baraza la Wawakilishi zimefikia ukomo kwa mujibu wa kanuni zetu, nachukua fursa hii, kabla ya kuziunda upya Kamati hizi, kuwashukuru sana Wajumbe wa Kamati hii kwa uweledi wao waliotuanesha wakati

wakifanya kazi nasi. Nawatakia kila la kheri na kuwaahidi kuwa tutakuwa nao pamoja katika kazi zetu na tutaendelea kusikiliza ushauri wao.

- 8. Mheshimiwa Spika,** sambamba na hilo, natoa shukurani zangu za dhati kwa Kamati nyengine za Kudumu za Baraza la Wawakilishi zinazofanyakazi kwa karibu na Ofisi ya Rais na Mwenyekiti wa Baraza la Mapinduzi ambazo ni Kamati ya Bajeti inayoongozwa na Mheshimiwa Mohamed Said Mohamed (Dimwa), Mwakilishi wa wananchi wa Jimbo la Mpendae na Kamati ya Kudumu ya Baraza la Wawakilishi ya Hesabu za Mashirika ya Umma (PAC) inayoongozwa na Mheshimiwa Miraji Khamis Mussa (Kwaza), Mwakilishi wa wananchi wa Jimbo la Chumbuni.
- 9. Mheshimiwa Spika,** mabadiliko ya tabia nchi yamesababisha kuwa na misimu ya mvua isiyotabirika. Mvua za masika zilianza vizuri katika wiki ya kwanza kwa kunyesha kwa wastani na hazikuleta athari kubwa kwa wananchi. Hata hivyo, katika wiki ya pili mvua kubwa zilishuhudiwa katika mwambao mzima wa pwani ya Afrika Mashariki ambazo zilileta maafa kwa baadhi ya wananchi wetu. Nawapa pole wale wote walioathirika na mvua hizi kwa namna moja au nyengine.
- 10. Mheshimiwa Spika,** taarifa ya Mamlaka ya Hali ya Hewa nchini Tanzania imetabiri kuwapo kwa mvua kubwa katika msimu huu wa masika kwenye maeneo yote ya Unguja na Pemba na mwambao

mzima wa Afrika Mashariki. Kutokana na utabiri huo, nawaomba wananchi wachukue tahadhari ya hali ya juu kujiepusha na madhara yanayoweza kusababishwa na mvua hizo. Hata hivyo, ni muhimu pia kuzitumia mvua hizo vizuri kadri inavyowezekana katika kuimarisha shughuli za kilimo.

11. Mheshimiwa Spika, namalizia utangulizi wangu kwa kutoa shukurani zangu maalum kwa Wananchi wote wa Zanzibar kwa umoja na mshikamano wao na kudumisha amani na utulivu. Aidha, kwa heshima kubwa nawapongeza wananchi kwa kuendelea kuunga mkono Serikali yao inayoongozwa na Chama cha Mapinduzi katika jitihada zake za kuwaletea maendeleo. Natoa wito kwa wananchi wote tuendeleo kutunza amani yetu tukizingatia kwamba pasipo amani na utulivu hukosekana; na panapokosekana utulivu maendeleo hayawezi kupatikana.

12. Mheshimiwa Spika, baada ya maelezo hayo ya utangulizi, sasa naomba uniruhusu niwasilishe kwa ufupi Utekelezaji wa Programu za Ofisi ya Rais na Mwenyekiti wa Baraza la Mapinduzi kwa kipindi cha Julai – Machi 2017/2018.

2. UTEKELEZAJI WA PROGRAMU ZA OFISI YA RAIS NA MWENYEKITI WA BARAZA LA MAPINDUZI KWA KIPINDI CHA JULAI – MACHI 2017/2018

13. Mheshimiwa Spika, Ofisi ya Rais na Mwenyekiti wa Baraza la Mapinduzi kwa mwaka wa fedha

2017/2018 ilitekeleza Programu kuu tano na ndogo 11 chini ya Mafungu mawili ambayo ni A01 na A02. Programu Kuu hizo ni kama zifuatazo:-

- i. Programu ya Kusimamia Huduma na Shughuli za Mheshimiwa Rais na Kuimarisha Mawasiliano Ikulu;
- ii. Programu ya Kuratibu Ushirikiano wa Kikanda, Mashirika ya Kimataifa na Wazanzibari Wanaoishi Nje ya Nchi;
- iii. Programu ya Utawala na Uendeshaji wa Ofisi ya Rais na Mwenyekiti wa Baraza la Mapinduzi;
- iv. Programu ya Usimamizi wa Majukumu ya Kikatiba na Kisheria ya Baraza la Mapinduzi na Kamati ya Makatibu Wakuu; na
- v. Programu ya Utumishi na Uendeshaji wa Ofisi ya Baraza la Mapinduzi.

14. Mheshimiwa Spika, Utekelezaji wa Programu hizi, ulizingatia Mipango Mikuu ya Kitaifa ikiwemo Ilani ya Chama cha Mapinduzi ya mwaka 2015 - 2020, MKUZA, pamoja na Mpango Mkakati wa Ofisi ya Rais na Mwenyekiti wa Baraza la Mapinduzi.

2.1 UPATIKANAJI WA FEDHA

15. Mheshimiwa Spika, kwa mwaka wa fedha 2017/2018, Ofisi ya Rais na Mwenyekiti wa Baraza la Mapinduzi ilitengewa jumla ya TZS. milioni 8,342.6 kwa mafungu yake mawili. Fungu A01 lilitengewa jumla ya TZS. milioni 6,634.7. Kati ya hizo TZS. milioni 730.0 kwa ajili ya mradi wa

maendeleo na TZS. milioni 5,904.7 kwa ajili ya kazi za kawaida. Fungu A02 lilitengewa jumla ya TZS. milioni 1,707.9. Hadi kufikia mwezi Machi, 2018 Fungu A01 liliingiziwa jumla ya TZS. milioni 4,605.0 sawa na asilimia 78 kwa ajili ya matumizi ya kawaida na TZS. milioni 730.0 sawa na asilimia 100.0 kwa ajili ya mradi wa maendeleo. Aidha, fungu A02 liliingiziwa TZS. milioni 1,263.0 sawa na asilimia 74.0.

16. Mheshimiwa Spika, kupitia Programu zake, Ofisi ilitekeleza bajeti yake ya 2017/2018 na kuweka vipaumbele katika maeneo yafuatayo:-

- i. Kusimamia utekelezaji wa majukumu ya Kikatiba na Kisheria ya Rais, Baraza la Mapinduzi na Kamati zake;
- ii. Kusimamia utekelezaji wa kazi za Baraza la Mapinduzi, Kamati zake na Kamati ya Makatibu Wakuu kwa kuzingatia Katiba na Sheria za Nchi;
- iii. Kuwahudumia Wananchi kwa kuzitekeleza ahadi za Mheshimiwa Rais pamoja na kuwapatia taarifa za shughuli za Serikali na maendeleo ambayo ni haki yao ya Kikatiba;
- iv. Kusimamia utendaji na ufanisi wa kazi katika ORMBLM;
- v. Kuendeleza ujenzi na kuimarisha usalama wa nyumba za Ikulu; na
- vi. Kusimamia maendeleo ya wafanyakazi wa ORMBLM katika kutekeleza wajibu wao, uendelezaji wa maslahi yao zikiwemo stahiki na haki zao, ili waweze kutoa huduma kwa wananchi ipasavyo.

3. MAFANIKIO YA PROGRAMU ZA OFISI YA RAIS NA MWENYEKITI WA BARAZA LA MAPINDUZI KWA KIPINDI CHA JULAI – MACHI, 2017/2018

17. Mheshimiwa Spika, naomba kulithibitishia Baraza lako Tukufu kwamba Ofisi ya Rais na Mwenyekiti wa Baraza la Mapinduzi kwa mwaka wa fedha 2017/2018 ilitekeleza bajeti yake kwa mafanikio makubwa kupitia Programu zake zote.

Programu ya Kusimamia Huduma na Shughuli za Mheshimiwa Rais na Kuimarisha Mawasiliano Ikulu

18. Mheshimiwa Spika, kwa mwaka wa fedha 2017/2018, Programu hii iliidhinishiwa TZS. milioni 3,664.1 kwa matumizi ya kawaida na maendeleo. Hadi kufikia mwezi Machi, 2018 iliingiziwa TZS. milioni 2,379.8 sawa na asilimia 81 kwa kazi za kawaida na TZS. milioni 730.0 sawa na asilimia 100 kwa kazi za maendeleo.

19. Mheshimiwa Spika, mafanikio makubwa yamepatikana kupitia Programu hii ambapo shughuli za Mheshimiwa Rais zimefanyika vizuri na wananchi wameeleweshwa juu ya shughuli kadhaa za Serikali zikiwemo maendeleo ya kiuchumi na kijamii. Jarida la Ikulu pamoja na vipindi mbali mbali vya Redio na Televisheni vilitayarishwa na kurushwa hewani. Kadhalika, mitandao ya kijamii na magazeti yalitumika katika kuwapatia taarifa wananchi na watu mbali mbali.

20. Mheshimiwa Spika, katika mwaka wa fedha 2017/2018 Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi, alifanya ziara ya kikazi katika Umoja wa Falme za Kiarabu (UAE). Ziara hio, ilianza tarehe 22 hadi 25 Januari, 2018, kufuatia mualiko wa Mheshimiwa Sheikh Mohammed Bin Zayed Al Nahyan, Mrithi wa Mtawala wa Abu Dhabi na Naibu Amiri Jeshi Mkuu wa Vikosi vya Ulinzi vya Umoja wa Falme za Kiarabu. Katika ziara hio, Mheshimiwa Rais alifanya mazungumzo rasmi na mwenyeji wake huyo.

21. Mheshimiwa Spika, Viongozi wengine ambao Mheshimiwa Rais alikutana nao katika ziara hio ni Sheikh Mohammed Bin Rashid Al Makhtoum; Makamu wa Rais na Waziri Mkuu wa UAE na Mtawala wa Dubai, Sheikh Dk. Sultan Mohammed Al Qasimi; Mtawala wa Sharjah pamoja na Sheikh Saud Bin Saqr Al Qasimi; Mtawala wa Ras Al Khaimah. Kadhalika, Mheshimiwa Rais alikutana na Wakuu wa Taasisi mbali mbali wa Falme hizo kutokana na ratiba aliyopangiwa. Kiambatisho Namba 1 kinahusika.

22. Mheshimiwa Spika, mazungumzo ya Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi na Viongozi hao yalilenga katika kuendeleza uhusiano na ushirikiano uliopo baina ya Falme za Kiarabu, Jamhuri ya Muungano wa Tanzania na Zanzibar. Kadhalika, mazungumzo hayo yalitoa fursa kwa

viongozi hao kubadilishana mawazo juu ya mambo ya maendeleo ya kiuchumi na kijamii ambapo viongozi wa UAE wameelezea nia yao ya kuendelea kuiunga mkono Jamhuri ya Muungano wa Tanzania na Zanzibar katika jitihada zake za kuinua uchumi na kuendeleza huduma za jamii.

23. Mheshimiwa Spika, wakati akiwa katika ziara ya Umoja wa Falme za Kiarabu, Mheshimiwa Rais na ujumbe aliofuatana nao walipata fursa ya kutembelea Mji wa Nishati Mbadala uliopo Abu Dhabi (Masdar City) ambao umepiga hatua kubwa katika utafiti na matumizi ya nishati mbadala ya jua. Serikali ya Mapinduzi ya Zanzibar imeandaa utaratibu wa kuwapeleka Wataalamu wake katika mji huo kwa lengo la kujifunza na kupata uzoefu juu ya nishati mbadala, ili utaalumu watakaoupata uweze kutumika Zanzibar. Kadhalika, Mheshimiwa Rais alikutana na kufanya mazungumzo na Mkurugenzi Mkuu wa Mfuko wa Abu Dhabi (Abu Dhabi Fund) ambapo Mfuko huo umeonesha nia ya kuendelea kushirikiana na Zanzibar katika mipango yake ya miradi ya maendeleo.

24. Mheshimiwa Spika, miradi mingine iliyotembelewa ni shamba la kisasa la ufugaji wa ng'ombe wa maziwa liitwalo Al Rawabi. Serikali ya Mapinduzi ya Zanzibar imeshaandaa Maofisa watatu watakaopatiwa mafunzo katika shamba hilo hivi karibuni. Kadhalika, Mheshimiwa Rais, alitembelea Makao Makuu ya RAK GAS; Ras Al Khaimah, na kuelezwa juu ya shughuli mbali mbali zinazofanywa

na kampuni hio katika utafutaji wa Mafuta na Gesi na hatimae Ras Al Khaimah na Zanzibar zimekubaliana kuendelea kutekeleza Maelewano ya Awali (MOU), yaliyotiwa saini tarehe 12 Novomba, 2011. Vile vile, jitihada za pamoja baina ya Ras Al Khaimah na Zanzibar zitaendelezwa katika kufanya utafiti wa Mafuta na Gesi.

25. Mheshimiwa Spika, kwa jumla, ziara ya Mheshimiwa Rais wa Zanzibar na Mwenyekiti wa Baraza la Mapinduzi, katika Umoja wa Falme za Kiarabu, ilifanikiwa sana kuimarisha uhusiano katika maendeleo ya kiuchumi na kijamii. Katika kuimarisha ufuatiliaji wa mambo muhimu yaliyojitokeza kwenye ziara hio, Mheshimiwa Rais ameunda Kamati ya Ufuatiliaji ambayo tayari imeanza kazi na kuwasilisha taarifa Serikalini.

26. Mheshimiwa Spika, katika mwaka wa fedha wa 2017/2018, Mheshimiwa Rais, alifanya ziara ya ndani katika Mikoa mitano ya Unguja na Pemba. Kwa upande wa Mkoa wa Kaskazini Unguja, Mheshimiwa Rais alitembelea Kiwanda cha Sukari Mahonda ambacho kimefungwa mashine mpya hivi karibuni. Kadhalika, alikagua mradi wa uchimbaji wa visima na usambazaji maji Zanzibar uliofadhiliwa na Jamhuri ya Watu wa China. Mradi huo umekamilika na kukabidhiwa rasmi Serikalini tarehe 19 Aprili, 2018 ambapo wananchi 101,850 wa Shehia 21 watafaidika.

- 27. Mheshimiwa Spika,** katika ziara hizo, Mheshimiwa Rais alitembelea kijiji cha Mbuyumaji na Mlilile na kuagiza kujengwa Skuli ya madarasa manne, kituo cha afya na barabara. Aidha, aliagiza kupeleka huduma za umeme katika vijiji hivyo. Maagizo hayo yametokelezwa ambapo ujenzi wa madarasa manne ya Skuli katika kijiji cha Mbuyumaji umekamilika na ujenzi wa kituo cha afya unaendelea. Vile vile, mradi wa maji na umeme umetokelezwa kwa hatua kubwa. Katika kijiji cha Mlilile huduma za maji sasa zinapatikana na barabara imetengenezwa.
- 28. Mheshimiwa Spika,** ziara za Mheshimiwa Rais ziliendelea katika Mkoa wa Kusini Unguja, kwa kutembelea Mradi wa Maji Mitakawani. Mradi huo umeshakamilika na kuanza kutoa huduma kwa wananchi tangu tarehe 28 Oktoba, 2017. Vijiji vinavyofaidika na huduma za maji za mradi huo ni Mitakawani, Tunduni, Uzini na Bambi ya Bondeni. Vile vile, katika ziara hio, Mheshimiwa Rais, aliagiza umeme ufikishwe katika pango la Mnywambiji, agizo ambalo limeshatekelezwa. Hivi sasa, wananchi wa Makunduchi na Kibuteni wanafaidika na huduma ya maji yanayotoka katika pango hilo.
- 29. Mheshimiwa Spika,** katika juhudi za Serikali ya Mapinduzi ya Zanzibar ya kuinua Michezo, Mheshimiwa Rais alikagua kiwanja cha Michezo Kitogani ambacho ujenzi wake umepiga hatua kubwa na kuwataka wahusika wafanye juhudi ya kuukamilisha. Vile vile, Mheshimiwa Rais alikagua nyumba za madaktari Kajengwa Makunduchi

na Muyuni. Mheshimiwa Rais aliahidi kuiezeka pamoja na kuitia milango na madirisha nyumba ya madaktari ya Kajengwa. Ahadi ya Mheshimiwa Rais ya kuiezeka nyumba hio ameshaitekeleza.

30. Mheshimiwa Spika, kwa upande wa Pemba, Mheshimiwa Rais alifanya ziara ambapo alifungua madarasa na maabara katika Skuli ya Chokocho na kuagiza vifaa vya maabara katika Skuli hio vipelekwe. Vifaa hivyo pamoja na meza na viti tayari vimeshapelekwa. Kwa upande wa kilimo, Mheshimiwa Rais alikagua mashamba ya mikarafuu na kutembelea kambi za karafuu na kushiriki katika uchumaji. Mheshimiwa Rais aliagiza juhudi zichukuliwe kuyagundua mashamba yote ya Serikali yaliyofichwa. Idadi ya mashamba yaliyogunduliwa yamefikia 9982.

31. Mheshimiwa Spika, katika kusheherekea Maadhimisho ya miaka 54 ya Mapinduzi Matukufu ya Zanzibar, Mheshimiwa Rais alifungua jengo la Ofisi ya Mtakwimu Mkuu wa Serikali na kuhimiza umuhimu wa ukusanyaji, utumiaji na uhifadhi wa takwimu sahihi kwa ajili ya maendeleo. Aidha, mnamo tarehe 6 Januari, 2018, Mheshimiwa Rais alishiriki katika tukio la kihistoria la kuzindua mradi wa umeme katika Kisiwa cha Fundo, Wete, Pemba. Hatua hio, ilikuwa ni miongoni mwa utekelezaji wa ahadi alizozitoa Mheshimiwa Rais wakati wa Kampeni za Uchaguzi Mkuu wa mwaka 2015 na utekelezaji wa Ilani ya CCM.

- 32. Mheshimiwa Spika,** katika kuhakisha kwamba wananchi wanapata habari na taarifa za Serikali na nyenginezo kwa uhakika, Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi alizifungua Studio mpya za kisasa za Shirika la Utangazaji la Zanzibar (ZBC) tarehe 9 Januari, 2018. Ufunguzi wa Studio hizo, umeiwezesha Televisheni ya Zanzibar, kurejesha hadhi yake ya asili kwa kuwa na mitambo bora na watangazaji mahiri.
- 33. Mheshimiwa Spika,** siku hio hio, Mheshimiwa Rais alifungua Soko la Kinyasini, Mkoa wa Kaskazini Unguja na kutoa wito kwa wakulima, wavuvi, wafugaji na wananchi wote kwa jumla kulitumia vyema Soko hilo. Shughuli nyengine alizozifanya Mheshimiwa Rais katika maadhimisho ya Sherehe za miaka 54 ya Mapinduzi Matukufu ya Zanzibar ni ufunguzi wa barabara ya Jendele-Unguja Ukuu Kaebona, Wilaya ya Kati Unguja ambayo imerahisisha usafiri kwa wananchi wa maeneo hayo na kuwawezesha kusafirisha mazao na bidhaa zao mbali mbali.
- 34. Mheshimiwa Spika,** kama ilivyo kawaida, tarehe 12 Januari, 2018 Mheshimiwa Rais alijumuika na Wananchi wa Zanzibar na viongozi mbali mbali katika Maadhimisho ya Sherehe za Miaka 54 ya Mapinduzi ya Zanzibar katika Kiwanja cha Amaan. Kupitia hotuba yake aliyoitoa alielezea mafanikio yaliyopatikana katika sekta zote muhimu za kiuchumi, kijamii na kisiasa katika mwaka 2017.

Alielezea juhudi, mwelekeo wa uchumi, uendelezaji wa miundombinu ya barabara, viwanja vya ndege na bandari na mchango wake katika kuendeleza sekta nyengine, ikiwemo biashara na utalii.

35. Mheshimiwa Spika, katika hotuba hio, Mheshimiwa Rais alifahamisha mafanikio yaliyopatikana katika kuendeleza sekta ya Kilimo, Mifugo na Uvuvi. Aliwataka wananchi kuwa imara katika kulinda hali ya amani na utulivu iliyopo ambayo ndio msingi wa mafanikio yetu. Aidha, alielezea mipango na juhudi za Serikali katika kuimarisha na kuulinda Muungano wa Tanganyika na Zanzibar wa 1964 uliopelekea kuundwa kwa Jamhuri ya Muungano wa Tanzania. Vile vile, alibainisha juhudi na mipango ya Serikali ya Mapinduzi ya Zanzibar ya kuendeleza ushirikiano na mataifa mbali mbali pamoja na mashirika ya Kimataifa.

36. Mheshimiwa Spika, katika kuukaribisha mwezi mtukufu wa Ramadhani 2017, Mheshimiwa Rais alitoa risala maalum ya kuwataka wananchi kuwa na nyoyo za upendo na huruma baina yao na wageni. Alihimiza utamaduni wa kuvumiliana baina ya waumini wa dini mbali mbali katika mwezi wa Ramadhani. Kadhalika, aliwahimiza wafanyabiashara wanaoingiza bidhaa za chakula kutoka nje ya nchi kuwapa unafuu wa bei wananchi hasa ikizingatiwa kwamba Serikali imetoa punguzo la ushuru wa bidhaa hizo. Aidha, aliwahimiza wafanyabiashara wote kuwa waadilifu katika kuendesha shughuli zao na kujiepusha na tamaa za kupandisha bei ya bidhaa bila ya kuzingatia sheria.

- 37. Mheshimiwa Spika,** katika hotuba aliyoitoa kwenye Baraza la Idd-el-Fitri mwaka 2017, Mheshimiwa Rais alitoa pongezi maalum kwa Waislamu kwa kukamilisha Ibada ya Funga ya Mwezi Mtukufu wa Ramadhani na kuwataka wananchi wote kwa ujumla kuishi kwa mapenzi na kuvumiliana. Alitoa pongezi maalum kwa Taasisi zote za Serikali na Binafsi kwa kutoa huduma nzuri kwa wananchi katika kipindi chote cha mwezi mtukufu wa Ramadhani. Vile vile, katika hotuba hio, Mheshimiwa Rais alisisitiza haja ya kuimarisha uwajibikaji na uadilifu katika kutekeleza majukumu yetu.
- 38. Mheshimiwa Spika,** katika kuukaribisha mwaka mpya wa 2018, Mheshimiwa Rais aliendelea na utamuduni wake wa kuhutubia wananchi kupitia vyombo vya habari. Katika risala yake, alielezea matukio makubwa na muhimu yaliyopita katika mwaka 2017 ambayo yalikuwa na umuhimu maalum kwa maendeleo na historia ya nchi yetu. Kupitia Risala hio, Mheshimiwa Rais alitoa salamu maalum za upendo kwa wanafamilia wa wanajeshi 14 wa Jamhuri ya Muungano wa Tanzania waliofariki nchini Congo (DRC).
- 39. Mheshimiwa Spika,** shughuli nyengine ambazo Mheshimiwa Rais alizifanya katika mwaka wa fedha 2017/2018 ni kuufungua Mkutano wa 17 wa Baraza la Mawaziri la Umoja wa Nchi za Mashariki na Kusini mwa Afrika na Udhhibiti wa Biashara ya Fedha Haramu tarehe 8 Septemba, 2017, Unguja. Lengo la mkutano huo lilikuwa ni kuweka mikakati

na kuongeza maarifa ya kupambana na mbinu zinazotumiwa katika kutakatisha fedha haramu.

40. Mheshimiwa Spika, katika hatua nyengine, Mheshimiwa Rais alizindua Maonesho ya Kilimo Kizimbani yaliyofanyika tarehe 10 Oktoba, 2017 na kuhimiza umuhimu wa utumiaji wa mbinu za kisasa katika kuendeleza Kilimo, Ufugaji na Uvuvi. Vile vile, Mheshimiwa Rais alihudhuria katika Kongamano la Kiswahili lililoandaliwa na Baraza la Kiswahili la Zanzibar tarehe 21 Disemba, 2017 ambapo alisisitiza juu ya kuendeleza lugha ya Kiswahili katika ngazi ya Kimataifa pamoja na matumizi ya Kiswahili fasaha.

41. Mheshimiwa Spika, akiendelea na shughuli zake, Mheshimiwa Rais alifungua mkutano mkuu wa Chama cha Walimu Zanzibar, tarehe 10 Februari, 2018. Mheshimiwa Rais aliwanasihi walimu kupanua wigo wa shughuli zao kwa kulipatia ufumbuzi tatizo la wanafunzi la kuanguka katika mitihani yao na kuutaka uongozi wa Wizara ya Elimu na Mafunzo ya Amali kuwa karibu zaidi na walimu. Aidha, aliwahimiza walimu kuwa imara katika kutekeleza maagizo ya Serikali ya kutoa elimu bure kuanzia ngazi ya msingi hadi sekondari.

42. Mheshimiwa Spika, miongoni mwa shughuli nyengine alizozifanya Mheshimiwa Rais ni kushiriki katika Maadhimisho ya Siku ya Sheria Zanzibar, tarehe 12 Februari, 2018. Katika wadhifa wake wa Mkuu wa Chuo Kikuu cha Taifa cha Zanzibar (SUZA),

Mheshimiwa Rais alitunuku Stashahada, Shahada, Shahada za Uzamili na Shahada za Uzamivu kwa wahitimu wa Chuo hicho tarehe 13 Febuari, 2018. Aidha, Mheshimiwa Rais alizindua ukumbi mpya wa Chuo hicho uliopewa jina la Dk. Ali Mohamed Shein.

43. Mheshimiwa Spika, kama ilivyo kawaida, tarehe 01 Mei, 2018. Mheshimiwa Rais, alishiriki katika maadhimisho ya siku ya Wafanyakazi Duniani, Wete, Pemba. Katika maadhimisho hayo, Mheshimiwa Rais alisisitiza juu ya suala la uwajibikaji, kuendeleza mapambano dhidi ya rushwa na ubadhirifu wa mali za Umma pamoja na kuwataka wafanyakazi waongeze juhudi katika kazi. Vile vile, aliwataka Waajiri na Chama Cha Wafanyakazi kushirikiana na Serikali katika kukabiliana na changamoto zinazojitokeza katika sehemu za kazi.

44. Mheshimiwa Spika, katika mwaka wa fedha, 2017/2018, Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi, alikutana na Viongozi wa nchi mbali mbali, wakuu wa Taasisi za Kimataifa na Mabalazi. Tarehe 8 Agosti, 2017, Mheshimiwa Rais alikutana na Rais wa Mauritius wa wakati huo, Mheshimiwa Ameenah Gurib Fakim. Mazungumzo ya Viongozi hao yalikwenda vizuri ambapo masuala ya kushirikiana yalitiliwa mkazo. Vile vile, Mheshimiwa Rais alikutana na Bibi Patricia Janet Scotland, Katibu Mkuu wa Jumuiya ya Madola, Ikulu Unguja ambapo Kiongozi huyo alimthibitishia Mheshimiwa

Rais kwamba Jumuiya ya Madola inaunga mkono juhudi za Serikali ya Mapinduzi ya Zanzibar katika kuwaletea maendeleo wananchi wake.

45. Mheshimiwa Spika, wageni wengine aliokutana nao ni Mkurugenzi Mtendaji wa UNAIDS ambaye ni Naibu Katibu Mkuu wa Umoja wa Mataifa Bwana Michel Sidibe. Kiongozi huyo aliahidi kushirikiana na Serikali ya Mapinduzi ya Zanzibar katika juhudi zake za kupambana na maradhi ya UKIMWI. Mheshimiwa Rais alionana na Mheshimiwa Abdel Fatah El Sisi Rais wa Misri, tarehe 14 Agosti, 2017, mjini Dar es Salaam ikiwa ni moja katika hatua muhimu ya kuimarisha uhusiano kati ya Misri, Jamhuri ya Muungano wa Tanzania na Zanzibar kwa jumla.

46. Mheshimiwa Spika, katika kipindi hicho, Mheshimiwa Rais, vile vile alikutana na Dk. Jose Graziana da Silva, Mkurugenzi wa Shirika la Chakula na Kilimo la Umoja wa Mataifa. Kadhalika, alikutana na Mheshimiwa Dk. Mohamed Bin Hamed Al Rumi, Waziri wa Mafuta na Gesi wa Oman na ujumbe wa UNICEF ulioongozwa na Bwana Renevan Deugen. Katika mazungumzo yake na viongozi hao, Mheshimiwa Rais amesisitiza umuhimu wa kuendeleza na kutekeleza diplomasia ya kiuchumi pamoja na kuimarisha viwanda na uwekezaji nchini. Orodha kamili ya wageni aliokutana nao Mheshimiwa Rais ipo katika Kiambatisho Namba 2.

47. Mheshimiwa Spika, naomba kuliarifu Baraza lako Tukufu kwamba wananchi wameendelea kupata

taarifa za utekelezaji wa shughuli za Mheshimiwa Rais kwa wakati na usahihi. Urahisi wa kupatikana habari kwa haraka umetokana na kuongezeka kwa matumizi ya teknolojia ya habari na mawasiliano (ICT). Hali hii imeshuhudiwa katika ziara za Mheshimiwa Rais katika Umoja wa Nchi za Falme za Kiarabu (UAE) ambapo habari zimeweza kuwafikia wananchi kwa haraka na katika hali ya ubora.

48. Mheshimiwa Spika, matoleo manne ya Jarida la Ikulu na toleo moja maalum yamechapishwa ambayo yameelezea kwa kina utekelezaji wa shughuli za maendeleo mjini na vijijini. Jumla ya Kalenda 6,300 zimechapishwa zikielezea matukio ya shughuli za Mheshimiwa Rais. Katika kipindi hiki jumla ya vipindi 15 vya redio na vipindi 6 maalum vya televisheni vimetayarishwa na kurushwa kupitia ZBC vikielezea utekelezaji wa ahadi za Mheshimiwa Rais na maoni ya wananchi kuhusu utekelezaji wa Ilani ya Chama cha Mapinduzi. Kiambatisho Namba 3 kinatoa ufafanuzi.

Programu ya Kuratibu Ushirikiano wa Kikanda, Mashirika ya Kimataifa na Wazanzibari Wanaoishi Nje ya Nchi

49. Mheshimiwa Spika, kwa mwaka wa fedha 2017/2018, Programu hii iliidhinishiwa jumla ya TZS. milioni 508.1 kwa matumizi ya kazi za kawaida. Hadi kufikia mwezi Machi, 2018 iliingiziwa TZS. milioni 386.6 sawa na asilimia 76 kwa kazi za kawaida.

50. Mheshimiwa Spika, utekelezaji wa programu hii umeiwezesha Zanzibar kuimarisha ushiriki wenye tija katika Jumuiya za Mtangamano wa Kikanda za SADC, EAC, IORA na Jumuiya ya Utatu (EAC-SADC-COMESA). Aidha, mahusiano mazuri yameimarika zaidi baina ya Serikali na Wazanzibari wanaoishi nje ya nchi yaani Diaspora. Serikali imeendeleza dhamira yake ya kuwashajiisha Wanadiaspora kushiriki katika kuiletea Zanzibar maendeleo ya kiuchumi na kijamii kupitia Kongamano la Nne la Wanadiaspora.

51. Mheshimiwa Spika, Mkutano wa Kilele wa Jumuiya ya Afrika Mashariki ulifanyika jijini Kampala, Uganda tarehe 23 Februari, 2018. Mkutano huo ulijadili mambo mbali mbali ya maendeleo ikiwemo maendeleo ya miundombinu na kuanzisha Taasisi ya Fedha na Taasisi nyengine kwa ajili ya utekelezaji wa Itifaki ya Umoja wa Fedha ifikapo 2024. Ajenda nyengine zilizozungumzwa ni pamoja na kuharakisha utaratibu wa Nchi ya Sudan ya Kusini kushiriki kikamilifu katika shughuli za Jumuiya ya Afrika Mashariki na kushajiisha maendeleo ya viwanda vya kutengeneza gari, ili kuifanya Jumuiya kuwa na ushindani katika sekta ya viwanda hivyo.

52. Mheshimiwa Spika, mikutano mingine ya Wataalamu ilifanyika katika miji ya Dodoma, Dar es Salaam, Nairobi na Kampala ambayo kwa ujumla wake iliratibu utekelezaji wa kusimamia uondoshwaji wa vikwazo vya biashara visivyokuwa vya kiushuru na mapendekezo ya mapitio ya viwango vya pamoja

vya ushuru wa forodha wa Jumuiya ya Afrika Mashariki. Aidha, Tamasha la Sanaa na Utamaduni lilifanyika Kampala, Uganda mwezi Septemba, 2017. Maonesho ya Biashara ya Jua kali/Nguvu kazi yalifanyika mwezi Disemba, 2017 Bujumbura, Burundi yakiwa na lengo la kutengeneza mazingira mazuri ya kibiashara na kutafuta fursa za masoko kwa bidhaa za wajasiriamali na Wanasanaa wa ndani.

53. Mheshimiwa Spika, naomba kuliarifu Baraza lako Tukufu kuwa mwezi Agosti, 2017 mjini Pretoria, Afrika Kusini kulifanyika Mkutano wa Kilele wa Wakuu wa Nchi na Serikali wa Jumuiya ya Maendeleo Kusini mwa Afrika (SADC). Miongoni mwa Ajenda zilizojadiliwa ni pamoja na kuridhiwa kwa Jamhuri ya Umoja wa Visiwa vya Comoro kuwa mwanachama mpya wa SADC na kuifanya Jumuiya hiyo kuwa na Nchi Wanachama 16. Aidha, Mkutano wa Kilele uliagiza kukamilisha kazi ya tathmini ya maombi ya uwanachama ya Burundi na utekelezaji wa Mpango Mkakati wa Maendeleo ya Viwanda wa SADC.

54. Mheshimiwa Spika, kufuatia maazimio ya Mkutano wa Kilele, Baraza la Mawaziri wa Nchi za SADC lilikutana mwezi Machi, 2018 mjini Pretoria. Katika mkutano huo, miongoni mwa mambo yaliojadiliwa ni pamoja na utekelezaji wa maazimio ya Mkutano wa Kilele ikiwemo kuimarisha maendeleo ya viwanda na kupunguza uagizaji wa bidhaa kutoka nje ya Nchi za SADC. Aidha, mkutano huo umezungumzia

ajenda ya kuweka mfumo shirikishi utakaowezesha sekta binafsi kushiriki kikamilifu katika kuchangia maendeleo ya Nchi Wanachama.

55. Mheshimiwa Spika, mambo mengine yaliyojadiliwa katika mkutano huo ni kuongeza kasi ya kukamilisha maandalizi ya uanzishwaji wa Chuo cha Sayansi na Teknolojia cha SADC ambacho kinalenga kuweka msisitizo katika maeneo ya Mafunzo ya Taaluma za Ufundi na Kazi za Amali, "Technical – Vocational Educational Training" na kinatarajiwa kutoa nafasi za 'Scholarship' zipatazo 300 kwa nchi zote za SADC. Chuo hicho kitakuwa na Makao Makuu yake Nchi ya Ufalme wa eSwatini (Swaziland).

56. Mheshimiwa Spika, Mkutano wa Saba wa Makatibu Wakuu wa Jumuiya ya Nchi zinazopakana na Bahari ya Hindi ulifanyika Mjini Bali, Indonesia tarehe 2 Agosti, 2017. Mkutano huo ulilenga kufanya ufuatiliaji wa maazimio ya Mkutano wa kwanza wa Wakuu wa Nchi na Serikali uliofanyika Mjini Jakarta Indonesia mwezi Machi, 2017 ambapo Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi alimuwakilisha Rais wa Jamuhuri wa Muungano wa Tanzania Mheshimiwa Dkt. John Pombe Joseph Magufuli. Aidha, mkutano huo ulipokea mapendekezo ya wagombea waliojitokeza kugombea nafasi ya Katibu Mkuu wa Jumuiya hiyo ambao ni kutoka Afrika Kusini, Kenya na Comoro.

57.

58. Mheshimiwa Spika, kupitia mkutano huo Jumuiya ya IORA ilikubali ombi la Jamuhuri ya Muungano wa Tanzania kuipa fedha kutoka katika mfuko wake maalum kwa ajili ya kufanya warsha ya Maendeleo ya Mikakati ya Kikanda ya uendelezaji maliasili ya uvuvi katika eneo la Bahari ya Hindi. Warsha hiyo ilifanyika Zanzibar mwezi Oktoba, 2017 na ilihudhuriwa na nchi wanachama 10 pamoja na Kamisheni ya Samaki wa Jodari ya Bahari ya Hindi (Indian Ocean Tuna Commission). Madhumuni ya warsha hiyo ni kuweka Mkakati wa pamoja kwa nchi wanachama ya kusimamia matumizi endelevu ya rasilimali ya uvuvi wa Bahari ya Hindi ili kuimarisha akiba ya chakula, ajira, uchumi na kukomesha uvuvi haramu. Mgeni rasmi katika warsha hiyo alikuwa Mheshimiwa Mahmoud Thabit Kombo kwa niaba ya Mheshimiwa Makamu wa Pili wa Rais wa Zanzibar.

59. Mheshimiwa Spika, katika eneo la Ushirikiano wa Kimataifa, Zanzibar imeshiriki katika Mkutano wa Tatu wa Kamisheni ya Kudumu ya Mashirikiano baina ya Jamhuri ya Muungano wa Tanzania na Jamhuri ya Kiarabu ya Misri uliofanyika tarehe 08 hadi tarehe 10 Januari, 2018 (Tanzania – Egypt Joint Permanent Commission) Cairo, Misri. Ujumbe wa Zanzibar katika Mkutano huo uliongozwa na Mheshimiwa Issa Haji Ussi Gavu, Waziri wa Nchi, Ofisi ya Rais na Mwenyekiti wa Baraza la Mapinduzi. Makubaliano mbali mbali yalifikiwa ambayo yatakuwa na tija kwa Zanzibar katika Sekta za Elimu, Afya, Usafiri wa Baharini, Michezo na Kilimo cha Umwagiliaji.

60. Mheshimiwa Spika, kwa upande mwingine, mahusiano baina ya Zanzibar na Jamhuri ya Umoja wa Visiwa vya Comoro yameendelea kuimarika zaidi. Ujumbe maalum wa Mawaziri wa Zanzibar ulifanya ziara ya kikazi nchini humo mwezi Julai, 2017 na Aprili, 2018. Ziara hizo zilikuwa na lengo la kufuatilia Mkataba wa makubaliano ambao ulisainiwa na Marais wa Nchi mbili hizi mwaka 2014. Kamati ya pamoja ya utekelezaji wa Makubaliano imeundwa yenye wajumbe wanne, wawili kutoka kila upande. Kamati hiyo inatarajia kuanza kazi ya kufuatilia utekelezaji wa makubaliano kabla ya mwezi Juni, 2018. Mashirikiano katika Nchi mbili hizi yanahusisha usafiri wa baharini, biashara, kilimo, utalii, elimu na utamaduni.

61. Mheshimiwa Spika, ujumbe wa Serikali ya Mapinduzi ya Zanzibar ulifanya ziara ya kikazi nchini Morocco kuanzia tarehe 05 Agosti hadi 12 Agosti, 2017 kwa ajili ya kukuza mashirikiano kati ya nchi hizi mbili. Ujumbe huo uliongozwa na Waziri wa Nchi Ofisi ya Rais na Mwenyekiti wa Baraza la Mapinduzi, Mheshimiwa Issa Haji Ussi Gavu. Katika ziara hiyo, masuala mbali mbali ya maendeleo yalijadiliwa yakiwemo mashirikiano ya kibiashara na Benki ya Attijariwafa yenye Makao Makuu yake Mjini Casablanca.

62. Mheshimiwa Spika, Benki hio imeonesha nia ya kuwekeza katika eneo la Afrika ya Mashariki na kuitumia Zanzibar kama mlango wake wa kupitia. Benki ya Attijariwafa itatoa fursa kubwa katika

kukuza uchumi ikiwemo utoaji wa mikopo yenye riba ndogo. Wakati huo huo, Taasisi inayoshughulikia Biashara na Uwekezaji ya Morocco ilikusudia kufanya ziara Zanzibar mwishoni mwa mwaka 2017 pamoja na Jumuiya ya Wafanyabiashara wa Morocco wakiwemo wa Sekta ya Utalii, ili kuangalia fursa za kibiashara na uwekezaji zilizopo Zanzibar.

63. Mheshimiwa Spika, kwa upande wa ushirikishwaji wa Diaspora kwa maendeleo ya Zanzibar, ujumbe wa Madaktari kutoka Maryland, Marekani kupitia Jumuiya ya Wanadiaspora wa Tanzania wanaoishi Maryland (**Head Inc**) ulifika Zanzibar kwa ajili ya kutoa huduma za Afya kuanzia tarehe 30 Juni hadi 10 Julai, 2017. Ujumbe huo ulijumuisha Madaktari, Wafamasia na Wauguzi. Madaktari hao walitoa huduma kwa kushirikiana na Madaktari na Wauguzi wenyeji katika vituo vinne ambavyo ni Hospitali ya Mnazi Mmoja, Vituo vya afya vya Chwaka, Matemwe na Bumbwini. Huduma walizozitoa ni pamoja na tiba ya maradhi ya ngozi, shindikizo la damu, kisukari na magonjwa ya macho na kuwapatia wagonjwa miwani. Vile vile, walitoa ushauri kuhusiana na saratani kwa wanawake. Aidha, ujumbe huo ulikabidhi dawa na vifaa tiba vya aina mbali mbali vyenye thamani ya US\$ 459,075.04 kwa Wizara ya Afya.

64. Mheshimiwa Spika, katika kuonesha matokeo ya kushajiisha Wanadiaspora katika kuchangia Maendeleo, Wazanzibari wanaoishi nchini Denmark kupitia Jumuiya yao ya **AHAS GROUP** wameunga

mkono juhudi za Serikali za kuimarisha sekta ya elimu na afya kwa kutoa msaada wa vifaa tiba na vifaa vya elimu katika Hospitali ya Mnazi Mmoja na Skuli ya Jang'ombe msingi "B" vyenye thamani ya US\$ 26,000.

65. Mheshimiwa Spika, Serikali ya Mapinduzi ya Zanzibar kwa kushirikiana na Serikali ya Jamhuri ya Muungano wa Tanzania, zimefanya Kongamano la Nne la kitaifa la Watanzania wanaoishi nje ya nchi (4th Tanzania Diaspora Conference) tarehe 23 hadi 24 Agosti, 2017, hapa Zanzibar. Lengo kuu la kongamano hilo ni kuwashajiisha Wanadiaspora kuwekeza nchini kwao kwa maslahi yao na kwa ustawi wa uchumi wa Tanzania. Kongamano hilo lilihudhuriwa na Wanadiaspora 154 kutoka Mataifa mbali mbali duniani. Dhamira ya Kongamano hilo ilikuwa ni "**Uzalendo kwa Maendeleo**" na kauli mbiu isemayo "**MTU KWAO, NDIO NGAO**". Aidha, Wanadiaspora katika Kongamano hilo walitakiwa kuwa wazalendo kwa nchi yao ya asili na kuwekeza katika sekta mbali mbali za kiuchumi na kijamii na kuitangaza Zanzibar na Tanzania kwa ujumla katika nchi wanazoishi, ili kuwavutia zaidi wawekezaji na watalii.

66. Mheshimiwa Spika, Jumuiya ya Wanadiaspora wa Marekani DICOTA waliandaa Jukwaa la Afya tarehe 11 Novemba, 2017 mjini Maryland, Marekani. Jukwaa hilo lilihudhuriwa na Wataalamu mbali mbali wa afya wanaoishi Marekani. Mmoja wa watoa mada katika jukwaa hilo alikuwa Balozi Arikana Chihombori

- Quao Balazi wa Umoja wa Afrika katika Umoja wa Mataifa. Mada zilizozungumzwa katika Jukwaa hilo ni pamoja na Vifo vya wajawazito na watoto chini ya umri wa miaka mitano kwa nchi za Afrika na Uzoefu wa utoaji huduma za afya zinazotolewa na Diaspora nchini Tanzania. Ujumbe wa Zanzibar katika jukwaa hilo uliongozwa na Mheshimiwa Harusi Said Suleiman, Naibu Waziri wa Afya.

67. Mheshimiwa Spika, ujumbe huo ulipata fursa ya kufanya mazungumzo na Wanadiaspora katika Sekta ya Afya pamoja na kutembelea miji ya Virginia na Seattle nchini Marekani. Aidha, ujumbe huo ulipata fursa ya kukutana na Viongozi wa Jumuiya ya Wazanzibari wanaoishi Marekani (ZADIA) na kuona vifaa Tiba mbali mbali ambavyo vinasafirishwa katika nchi zinazoendelea hususan nchi za Afrika.

68. Mheshimiwa Spika, Jumuiya ya Watanzania wanaoishi Dallas, Marekani waliandaa Kongamano la siku ya Mtanzania mjini Dallas kuanzia tarehe 27 hadi 29 Aprili, 2018. Kongamano hilo lilienda sambamba na maadhimisho ya kusherehekea miaka 54 ya Muungano wa Tanganyika na Zanzibar. Lengo la Kongamano hilo lilikuwa ni kuonesha utamaduni na historia ya Tanzania na maliasili ilizojaaliwa nazo ambazo zitawezesha wawekezaji na wafanyabiashara wa Marekani kuja kuwekeza na kutalii. Kongamano hilo lilipata bahati ya kuhudhuriwa na kufungwa na Mheshimiwa Zubeir Ali Maulid, Spika wa Baraza la Wawakilishi.

Programu ya Utawala na Uendeshaji wa Ofisi ya Rais na Mwenyekiti wa Baraza la Mapinduzi

- 69. Mheshimiwa Spika,** kwa mwaka wa fedha 2017/2018, Programu hii iliidhinishiwa jumla ya TZS. milioni 2,462.2 kwa matumizi ya kazi za kawaida, na hadi kufikia mwezi Machi, 2018 iliingiziwa TZS. milioni 1,838.6 sawa na asilimia 74 kwa kazi za kawaida.
- 70. Mheshimiwa Spika,** mafanikio yaliyopatikana kupitia Programu hii ni pamoja na kuwepo kwa Mpango wa miaka mitano wa Rasilimali watu na Mpango wa miaka mitatu wa Urithishwaji watumishi; Kuimarika kwa usalama wa Serikali kupitia ukaguzi wa Wafanyakazi na Majengo; na kuanza kwa Utafiti juu ya fursa zinazopatikana katika Jumuiya ya Afrika Mashariki.
- 71. Mheshimiwa Spika,** katika kipindi cha Julai – Machi, 2018 Ofisi ya Rais na Mwenyekiti wa Baraza la Mapinduzi imewajengea uwezo wafanyakazi 18 katika mafunzoya muda mrefu kwenyefanizasayansi ya jamii, usimamizi na ukarimu, ununuzi na ugavi, usimamizi wa rasilimaliwatu, takwimu na siasa ya jamii katika ngazi za Cheti, Stashahada, Shahada na Shahada ya Uzamivu. Aidha, Wafanyakazi 25 wameongezewa ujuzi katika mafunzo ya muda mfupi ya usimamizi na ukarimu yaliyoendeshwa na wakufunzi kutoka Chuo cha “National Research Institute of Food and Fermentation Industries” cha Jamuhuri ya Watu wa China.

- 72. Mheshimiwa Spika,** kupitia programu hii, wafanyakazi 80 wamepewa mafunzo ya kujikinga na maradhi yasiyoambukiza pamoja na kupima afya zao. Mafunzo hayo yaliendeshwa na wataalamu kutoka Wizara ya Afya. Sambamba na hayo, wafanyakazi 86 wamelipwa stahiki zao za likizo na 16 wamelipwa malipo baada ya saa za kazi (Kiambatisho Namba 4 na 5 vinatoa ufafanuzi juu ya Mafunzo na Likizo).
- 73. Mheshimiwa Spika,** utafiti mdogo wa kutathmini mahitaji ya mafunzo ya wafanyakazi umefanyika. Kwa kuzingatia matokeo ya utafiti huo wafanyakazi watapatiwa mafunzo kwa mujibu wa mahitaji yao na bajeti iliyopangwa. Aidha, taarifa za wafanyakazi katika “Database” ya maendeleo ya rasilimaliwatu zimepitiwa na baadhi yake kufanyiwa marekebisho kwa kuzingatia vielelezo vilivyowasilishwa na wafanyakazi hao.
- 74. Mheshimiwa Spika,** Kamati ya Uongozi na Kamati Tendaji ya Ofisi ya Rais na Mwenyekiti wa Baraza la Mapinduzi zimekutana kwa kuzingatia sheria, kanuni na taratibu zilizowekwa na Serikali. Wajumbe wa vikao hivyo walipata nafasi ya kujadili na kutathmini utekelezaji wa majukumu na mienendo ya wafanyakazi. Aidha, vikao vinne vya Bodi ya Zabuni vimefanyika ambavyo vimejadili ununuzi wa vifaa mbali mbali kwa mujibu wa Sheria. Vile vile, Kamati ya Ukaguzi wa ndani imefanya vikao vyake vitatu kwa ajili ya kupitia utaratibu wa matumizi na kumshauri Katibu Mkuu njia bora za kuimarisha usimamizi wa matumizi.

- 75. Mheshimiwa Spika**, Ofisi ya Rais na Mwenyekiti wa Baraza la Mapinduzi kwa kushirikiana na Ofisi ya Mwanasheria Mkuu wa Serikali imeanza kazi ya kufanya mapitio ya Sheria ya Mambo ya Rais namba 5 ya mwaka 1993 na Sheria ya Usalama wa Taifa na Siri za Serikali namba 5 ya mwaka 1983. Baada ya mapitio hayo, mapendekezo ya marekebisho yatapelekwa Serikalini kabla ya kuletwa hapa Baraza la Wawakilishi kwa ajili ya kupitishwa.
- 76. Mheshimiwa Spika**, zoezi la utafiti juu ya fursa zinazopatikana katika mtangamano wa Afrika Mashariki na namna Zanzibar itakavyonufaika nazo unaendeshwa kwa pamoja kati ya Ofisi ya Rais na Mwenyekiti wa Baraza la Mapinduzi na Chuo Kikuu cha Taifa cha Zanzibar (SUZA). Kazi ya kukusanya na kuchambua taarifa za utafiti huo zimekamilika. Hatua itakayofuata ni kuwasilisha rasimu ya awali ya ripoti ya utafiti huo kwa wahusika, kazi hiyo inategemewa kufanyika mwezi Mei, 2018. Aidha, kazi ya kukusanya taarifa za utafiti wa mahitaji ya kujifunza na kufundisha lugha ya Kiswahili katika nchi wanachama wa Jumuiya ya Afrika Mashariki zinaendelea. Kukamilika kwa tafiti hizi mbili kutasaidia kuweka bayana fursa zilizopo katika Jumuiya ya Afrika Mashariki na mikakati ya Zanzibar kuweza kunufaika nazo.
- 77. Mheshimiwa Spika**, kupitia progamu hii, Ofisi ya Rais na Mwenyekiti wa Baraza la Mapinduzi kwa kushirikiana na Tume ya Mipango na Ofisi ya Mtakwimu Mkuu wa Serikali zinaendelea kukamilisha

utafiti juu ya mchango wa Wanadiaspora kwa maendeleo ya kiuchumi na kijamii kwa Zanzibar. Kazi ya kukusanya na kuchambua takwimu imekamilika na ripoti ya awali itatolewa mwezi Juni, 2018. Utafiti huu ni moja kati ya agenda zilizoainishwa ndani ya Tafiti za Kitaifa za Zanzibar.

78. Mheshimiwa Spika, utafiti mdogo juu ya upatikanaji wa takwimu katika Ofisi ya Rais na Mwenyekiti wa Baraza la Mapinduzi umekamilika. Matokeo ya utafiti huu yamewezesha Maofisa Mipango wa Ofisi ya Rais na Mwenyekiti wa Baraza la Mapinduzi Unguja na Pemba kupata mafunzo juu ya kukusanya na kuchambua takwimu. Mfumo wa ukusanyaji takwimu umeandaliwa ambao utawawezesha Maofisa Mipango kuzitumia takwimu hizo katika kazi zao za kila siku.

79. Mheshimiwa Spika, Ofisi ya Rais na Mwenyekiti wa Baraza la Mapinduzi Pemba imesimamia utekelezaji wa shughuli zilizopangwa kwa ufanisi ikiwemo kuhudumia na kuziweka salama nyumba za Ikulu zilizopo Pemba. Vile vile, kupitia programu hii, taarifa nne za tathmini za kijamii zimetayarishwa zinazoelezea matatizo mbali mbali ya wananchi vijijini. Aidha, vikao saba vya Maofisa Wadhamini Pemba vimefanyika na kuzungumzia utunzaji na usimamizi wa rasilimali fedha, mkakati wa watumishi wa umma kutojiunga na vyuo visivyo rasmi na uingiaji na utokaji kazini kwa watumishi wa umma. Kwa upande mwingine Ofisi ya Rais na Mwenyekiti wa Baraza la Mapinduzi imeanza kuweka msingi wa ujenzi wa Ofisi yake mpya ya Chake Chake, Pemba.

80. Mheshimiwa Spika, naomba kutoa taarifa kuwa wafanyakazi wa Serikali ya Mapinduzi ya Zanzibar 2,285 wamefanyiwa upekuzi wa awali na endelevu na Ofisi ya Usalama wa Serikali (GSO) (Kiambatisho Namba 6). Aidha, umefanyika ukaguzi wa kiusalama katika majengo manane ya Serikali yaliyopo Unguja, Pemba na Tanzania Bara. Majengo hayo ni Wakala wa Uchapaji wa Serikali, Masjala ya Idara ya Uvuvi, Masjala ya Wizara ya Afya, Ikulu Ndogo Bwefum, Ofisi ya Mkuu wa Mkoa wa Mjini Magharibi, Bodi ya Mapato ya Zanzibar (ZRB) Unguja na Pemba, Kamisheni ya Ardhi na Shirika la Bima la Zanzibar Kanda ya Mbeya. Katika ukaguzi huo Taasisi zilishauriwa juu ya kuimarisha usalama katika maeneo ya kufanyia kazi.

81. Mheshimiwa Spika, mafunzo juu ya utunzaji na udhibiti wa siri za Serikali yamefanyika kwa wafanyakazi wa ORMBLM, Dar es Salaam na Dodoma, Masheha wa Mikoa mitano ya Zanzibar, Makatibu Muhtasi wa Wizara za Serikali ya Mapinduzi ya Zanzibar, Maofisa na Watendaji wa Bodi ya Mapato Zanzibar, Unguja na Pemba. Jumla ya washiriki 525 walinufaika na mafunzo hayo (Kiambatisho namba 7).

Programu ya Usimamizi wa Majukumu ya Kikatiba na Kisheria ya Baraza la Mapinduzi na Kamati ya Makatibu Wakuu

82. Mheshimiwa Spika, kwa mwaka wa fedha 2017/2018, Programu hii iliidhinishiwa TZS. milioni

394.0 kwa matumizi ya kawaida, na hadi kufikia mwezi Machi, 2018 iliingiziwa TZS. milioni 231.5 sawa na asilimia 59 kwa kazi za kawaida.

83. Mheshimiwa Spika, kupitia Programuhii, mafanikio makubwa yamepatikana ikiwemo kufanikisha vikao vya kawaida na dharura vya Baraza la Mapinduzi na Kamati zake pamoja na Kamati ya Kitaalamu ya Makatibu Wakuu ambapo pamoja na mambo mengine, nyaraka mbalimbali zikiwemo za Sheria na Sera zilijadiliwa na kutolewa maamuzi.

84. Mheshimiwa Spika, katika kipindi hiki vikao 20 vya BLM vimefanyika ambapo jumla ya nyaraka 84 zikiwemo tisa za Sheria na tatu za Sera zilijadiliwa na kutolewa maamuzi. Aidha, Kamati ya Makatibu Wakuu imefanya vikao 28 ambavyo vimejadili nyaraka 37 zikiwemo sita za Sheria na tatu za Sera na kuzitolea maoni ya kitaalamu na hatimae kuziwasilisha Baraza la Mapinduzi. Kiambatisho Namba 8 kinatoa ufafanuzi.

85. Mheshimiwa Spika, naomba kuliarifu Baraza lako Tukufu kwamba Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi ameendelea na utaratibu wake wa kawaida wa kukutana na Viongozi wa Wizara na Mashirika kwa lengo la kupima utendaji wa Serikali kwa wananchi. Katika kipindi hiki, vikao 15 vilifanyika vikiwahusisha Waheshimiwa Mawaziri, Makatibu Wakuu na Watendaji Waandamizi wa Serikali. Aidha, vikao hivyo viliangalia utekelezaji

wa bajeti kwa mujibu wa Mpango kazi, upatikanaji wa fedha na uwajibikaji.

86. Mheshimiwa Spika, katika kuimarisha Utawala Bora, Viongozi na Watumishi wa Umma wamepatiwa mafunzo ya kujenga uwezo wa kuelewa dhana na misingi ya Utawala Bora wenye kuzingatia Haki na Sheria. Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi aliongoza kongamano hilo la kuwajengea uwezo viongozi wa kisiasa na kiutendaji wa Serikali kuhusu Utawala Bora na Uchumi.

87. Mheshimiwa Spika, Kongamano hilo lililobeba kauli mbiu isemayo **“Utawala Bora ni Msingi wa Uchumi Imara”**, lilifanyika tarehe 15 Machi, 2018. Pamoja na mambo mengine, Kongamano hilo lilijadili mada zinazohusu Mgongano wa Maslahi katika Utumishi wa Umma, Mafanikio ya Utelekezaji wa Mkakati wa Kukuza Uchumi na Kupunguza Umasikini Zanzibar (MKUZA III) kwa lengo la kufahamu kwa kina mwenendo wa uchumi wetu katika kufikia Dira ya Maendeleo ya Zanzibar ya Mwaka 2020 (Zanzibar Development Vision 2020).

88. Mheshimiwa Spika, kupitia programu hii, Makatibu Wakuu, Wakurugenzi Mipango, Sera na Utafiti na Watendaji wengine wa ngazi za juu wamepewa mafunzo kuhusu mbinu na umahiri katika kufanya majadiliano ya kufikia mapatano (Negotiation skills). Mafunzo hayo, yametolewa na Taasisi ya UONGOZI ya Dar es Salaam. Mafanikio

yaliyopatikana ni pamoja na kukuza uelewa wa watendaji wa ngazi za juu wa Serikali katika masula yanayohusu kufanya majadiliano ya kufikia mapatano katika Jumuiya za Kikanda na Kimataifa yanayolenga kulinda maslahi ya Zanzibar ikiwemo uchimbaji wa mafuta na gesi asilia.

89. Mheshimiwa Spika, pamoja na mafanikio yaliyofikiwa katika Programu hii, napenda kuliarifu Baraza lako Tukufu kuwa kwa mwaka wa fedha 2017/2018, Serikali ya Mapinduzi ya Zanzibar imekiimarisha Kitengo cha Ufuatiliaji na Tathmini kilichoanzishwa chini ya Ofisi ya Baraza la Mapinduzi. Muundo na majukumu yake yamekamiliwa pamoja na kuajiri watumishi wenye weledi kwa ajili ya kufanya kazi za Ufuatiliaji na Tathmini. Ni matarajio yetu kuwa, utekelezaji wa Sera, Sheria na Miongozo na Maamuzi yanayotolewa na Serikali utaendelea kuimarika na kuwa wenye ufanisi zaidi.

Programu ya Utumishi na Uendeshaji wa Ofisi ya Baraza la Mapinduzi

90. Mheshimiwa Spika, kwa mwaka wa fedha 2017/2018, Programu hii iliidhinishiwa TZS. Milioni 1,313.9 kwa matumizi ya kawaida, na hadi kufikia mwezi Machi, 2018 iliingiziwa TZS. milioni 1,031.5 sawa na asilimia 79 kwa kazi za kawaida.

91. Mheshimiwa Spika, mafanikio yaliyofikiwa kutokana na utekelezaji wa Programu hii ni pamoja na kuimarika kwa mazingira na mfumo wa

utendaji kazi kwa kuwajengea uwezo wafanyakazi, kuimarisha mawasiliano na kuimarisha Maktaba ya kumbukumbu na Nyaraka za Baraza la Mapinduzi.

92. Mheshimiwa Spika, uwezo wa wafanyakazi umeendelea kuimarika na wenye kuleta ufanisi zaidi kutokana na kuendeleza programu za kujenga uwezo wao kitaaluma kwa mafunzo ya muda mfupi na mrefu kulingana na mahitaji na mabadiliko ya wakati. Wafanyakazi wanne wanaendelea kupatiwa mafunzo ya muda mrefu katika ngazi za shahada fani ya Sayansi ya Habari na shahada ya uzamili wafanyakazi watatu fani ya Uongozi, Utafiti wa Sera za Umma na Sayansi ya Kompyuta. Wafanyakazi wengine sita wamepatiwa mafunzo ya muda mfupi katika fani za Itifaki, Usimamizi wa Fedha, Udereva wa Viongozi Mashuhuri sambamba na kuwapatia wafanyakazi taaluma ya namna ya kujikinga na maradhi yanayoambukiza ikiwemo UKIMWI na yasiyoambukiza.

93. Mheshimiwa Spika, kupitia programu hii, Mtambo mpya wa mtandao wa mawasiliano ya Serikali (E-Government) umeunganishwa ili kurahisisha mawasiliano pamoja na kuweka mashine za kutunzia na kutengenezea nyaraka katika Maktaba ya Baraza la Mapinduzi.

4. MWELEKEO WA BAJETI YA OFISI YA RAIS NA MWENYEKITI WA BARAZA LA MAPINDUZI KWA MWAKA WA FEDHA 2018/2019

94. Mheshimiwa Spika, Ofisi ya Rais na Mwenyekiti wa Baraza la Mapinduzi imeandaa bajeti yake ya mwaka wa fedha 2018/2019 kwa mujibu wa muongozo wa utayarishaji wa bajeti ya Serikali na kuendelea kuwa na Programu Kuu 5 na Programu Ndogo 11.

95. Mheshimiwa Spika, kwa mwaka wa fedha 2018/2019 bajeti ya Ofisi ya Rais na Mwenyekiti wa Baraza la Mapinduzi imeongezeka kwa TZS. milioni 1,830.1 sawa na asilimia 60 ya ongezeko la Matumizi Mengineyo. Kutoka TZS. milioni 3,000.6 kwa mwaka wa fedha 2017/2018 hadi TZS. milioni 4,830.7 kwa mwaka wa fedha 2018/2019 kwa matumizi ya kawaida. Kwa mradi wa maendeleo, ongezeko ni TZS. milioni 270.0 sawa na asilimia 36. Kutoka TZS. milioni 730.0 mwaka wa fedha 2017/2018 hadi TZS. milioni 1,000 mwaka wa fedha 2018/2019. Ongezeko hili ni kutokana kuongezeka kwa mahitaji katika ORMBLM.

96. Mheshimiwa Spika, katika Fungu A01 fedha za nyongeza zimeelekezwa katika ununuzi wa mashine ya ukaguzi Ikulu, bajeti ya Washauri wa Mheshimiwa Rais, kuzitangaza shughuli za Mheshimiwa Rais karibu zaidi na wananchi hasa maeneo ya vijijini, kuimarisha shughuli za upekuzi wa wafanyakazi na ukaguzi wa majengo na miundo mbinu ya Serikali.

Aidha, kuimarisha mazingira katika nyumba za Ikulu ya Dodoma na Chake Chake, Pemba. Katika Fungu A02 fedha za nyongeza zimeelekezwa katika kufanikisha shughuli za Kitengo cha Ufuatiliaji na Tathmini.

97. Mheshimiwa Spika, Ofisi ya Rais na Mwenyekiti wa Baraza la Mapinduzi kwa mwaka wa fedha wa 2018/2019 imejipangia kutekeleza vipaumbele vifuatavyo:-

- i. Kuratibu shughuli na huduma za Mheshimiwa Rais wa Zanzibar na Mwenyekiti wa Baraza la Mapinduzi;
- ii. Kusimamia majukumu ya Kikatiba na Kisheria ya Baraza la Mapinduzi na Kamati zake;
- iii. Kufuatilia na kutathmini utekelezaji wa shughuli za Wizara, Idara na Taasisi za Serikali pamoja na maamuzi ya Serikali;
- iv. Kuelimisha jamii na Viongozi juu ya Sera ya Diaspora ya Zanzibar;
- v. Kuwajengea uwezo Viongozi na Watendaji kupitia semina za mafunzo, ili waweze kutekeleza majukumu yao kwa ufanisi;
- vi. Kuwawezesha wananchi kupata taarifa juu ya utekelezaji wa shughuli za Serikali yao;
- vii. Kuwawezesha watendaji wa Serikali ya Mapinduzi ya Zanzibar kushiriki katika mtangamano wa Jumuiya za Kikanda yenye kuleta tija kwa Zanzibar;
- viii. Kuwashajiisha Wanadiaspora kuchangia katika maendeleo ya Zanzibar;

- ix. Kuimarisha upatikanaji wa takwimu katika Ofisi ya Rais na Mwenyekiti wa Baraza la Mapinduzi;
- x. Kuimarisha mazingira na usalama katika nyumba za Ikulu, Unguja, Pemba, Dar es Salaam na Dodoma;
- xi. Kuimarisha usalama kwa watumishi wa Serikali na maeneo wanayofanyia kazi; na
- xii. Kuimarisha mazingira ya kufanyia kazi kwa kuipatia Ofisi vitendeakazi kwa ajili ya kufanikisha utekelezaji wa shughuli za Ofisi ya Rais na Mwenyekiti wa Baraza la Mapinduzi.

5. PROGRAMU KUBWA NA NDOGO NA MAKISIO YA FEDHA KWA MWAKA WA FEDHA 2018/2019

98. Mheshimiwa Spika, Programu za Ofisi ya Rais na Mwenyekiti wa Baraza la Mapinduzi zitatekelezwa na Ofisi na Idara zifuatazo:-

- i. Ofisi ya Faragha ya Rais;
- ii. Ofisi ya Baraza la Mapinduzi;
- iii. Idara ya Mawasiliano na Habari Ikulu;
- iv. Idara ya Ushirikiano wa Kimataifa na Uratibu wa Wazanzibari Wanaoishi Nje ya Nchi;
- v. Idara ya Uendeshaji na Utumishi;
- vi. Idara ya Mipango, Sera na Utafiti;
- vii. Ofisi ya Rais na Mwenyekiti wa Baraza la Mapinduzi –Pemba; na
- viii. Ofisi ya Usalama wa Serikali.

99. Mheshimiwa Spika, Programu za Ofisi ya Rais na Mwenyekiti wa Baraza la Mapinduzi Fungu A01 ni kama zifuatazo:-

Programu ya Kusimamia Huduma na Shughuli za Mheshimiwa Rais na Kuimarisha Mawasiliano Ikulu

100. Mheshimiwa Spika, lengo kuu la Programu hii ni kusimamia huduma na Shughuli za Mheshimiwa Rais na kuimarisha mawasiliano baina ya Mheshimiwa Rais wa Zanzibar na Mwenyekiti wa Baraza la Mapinduzi na wananchi wake. Aidha, kuendeleza Taswira nzuri ya Mheshimiwa Rais wa Zanzibar na Mwenyekiti wa Baraza la Mapinduzi. Matokeo ya utekelezaji wa Programu hii ni Umma na Wananchi wote kwa jumla kuwa na uelewa kuhusu shughuli zinazotekelezwa na Mheshimiwa Rais. Programu hii itakuwa na Programu Ndogo mbili zifuatazo:-

- i. Programu Ndogo ya Kusimamia Huduma na Shughuli za Mheshimiwa Rais; na
- ii. Programu Ndogo ya Kuimarisha Mawasiliano baina ya Serikali na Wananchi.

101. Mheshimiwa Spika, aidha, Programu hii itatekelezwa sambamba na Mradi wa Ujenzi na Ukarabati wa Majengo ya Ikulu.

102. Mheshimiwa Spika, katika kufikia malengo ya Programu hii, shughuli zifuatazo zimepangwa kutekelezwa:-

- i. Kutekeleza maagizo na maelekezo yanayotokana na shughuli za Mheshimiwa Rais;
- ii. Kupanga na kutekeleza mahitaji ya Mheshimiwa Rais kwa ajili ya kutekeleza kazi zake;
- iii. Kutoa huduma za uendeshaji na utawala katika Ofisi ya Faragha ya Mheshimiwa Rais;
- iv. Kuimarisha huduma kwa kuzipatia vifaa, zana na bidhaa nyumba za Ikulu zilizopo Unguja, Pemba, Dar – es - Salaam na Dodoma;
- v. Kuifanyia matengenezo nyumba ya Ikulu ya Mnazi Mmoja na Ikulu ndogo zilizopo Dar – es - Salaam, Unguja, Dodoma na Pemba;
- vi. Kutoa huduma za uendeshaji na utawala katika Ofisi za Washauri wa Mheshimiwa Rais; na
- vii. Kukuza mawasiliano baina ya Ikulu, Wananchi na Wadau wa habari.

103. Mheshimiwa Spika, ili Programu ya Kusimamia Huduma na Shughuli za Mheshimiwa Rais na Kuimarisha Mawasiliano Ikulu iweze kutekelezwa, kwa mwaka wa fedha 2018/2019, naliomba Baraza lako Tukufu kuidhinisha jumla ya TZS. milioni 5,445.5. Kati ya hizo TZS. milioni 4,445.5 kwa matumizi ya kazi za kawaida na TZS. milioni 1,000 kwa kazi za maendeleo.

Programu ya Kuratibu Ushirikiano wa Kikanda, Mashirika ya Kimataifa na Wazanzibari Wanaoishi Nje ya Nchi

104. Mheshimiwa Spika, lengo kuu la Programu hii ni kuimarisha mashirikiano na Jumuiya za Kikanda, Kimataifa na Kuwashirikisha ipasavyo Wazanzibari wanaoishi nje ya Nchi katika maendeleo ya Kiuchumi na Kijamii ya Zanzibar. Aidha, matokeo ya utekelezaji wa Programu hii ni Zanzibar kufaidika na fursa za Kiuchumi na Kijamii zinazotokana na Jumuiya za Kikanda na Kimataifa na Wazanzibari wanaoishi nje ya Nchi. Programu hii itakuwa na Programu Ndogo mbili zifuatazo:-

- i. Programu Ndogo ya Kuratibu Shughuli za Serikali ya Mapinduzi ya Zanzibar, Kikanda na Kimataifa; na
- ii. Programu Ndogo ya Kuratibu Shughuli za Wazanzibari Wanaoishi Nje ya Nchi.

105. Mheshimiwa Spika, katika kufikia malengo ya Programu hii, shughuli zifuatazo zimepangwa kutekelezwa:-

- i. Kushiriki katika Mikutano ya Kikanda ndani na nje ya nchi;
- ii. Kuendeleza Ushirikiano wa Kimataifa;
- iii. Kujenga uelewa kwa jamii juu ya Sera ya Diaspora Zanzibar na utekelezaji wake;
- iv. Kuandaa Kongamano la Watanzania wanaoishi nje ya nchi;

- v. Kujenga uelewa juu ya fursa zinazopatikana kutokana na Jumuiya za mtengamano wa Kikanda (EAC, SADC, IORA, TRIPATITE na AU); na
- vi. Kushiriki katika mikutano ya ndani na kimataifa inayohusiana na Diaspora.

106. Mheshimiwa Spika, ili Programu ya Kuratibu Ushirikiano wa Kikanda, Mashirika ya Kimataifa na Wazanzibari Wanaoishi Nje ya Nchi iweze kutekelezwa, kwa mwaka wa fedha 2018/2019, naliomba Baraza lako Tukufu kuidhinisha jumla ya TZS. milioni 610.7 kwa matumizi ya kazi za kawaida.

Programu ya Utumishi na Uendeshaji wa Ofisi ya Rais na MBLM

107. Mheshimiwa Spika, malengo makuu ya Programu hii ni kuimarisha uwezo wa kiutendaji na kuratibu shughuli za Ofisi ya Rais na Mwenyekiti wa Baraza la Mapinduzi; Kuimarisha Shughuli za Mipango, Kuandaa na Kuchambua Sera na Kufanya Utafiti; Kuimarisha Shughuli za Upekuzi kwa Watumishi kabla na baada ya Kuajiriwa na Kuimarisha Usalama wa Majengo na Miundombinu ya Serikali. Matokeo ya utekelezaji wa Programu hii ni kuimarika kwa mazingira ya utendaji kazi. Programu hii itakuwa na Programu Ndogo nne zifuatazo:-

- i. Programu Ndogo ya Uratibu na Usimamizi wa Shughuli za ORMBLM;
- ii. Programu Ndogo ya Uratibu wa Shughuli za Mipango, Sera na Utafiti za ORMBLM;
- iii. Programu Ndogo ya Uratibu na Usimamizi wa Shughuli za ORMBLM – Pemba; na
- iv. Programu Ndogo ya Kusimamia Usalama wa Watumishi wa Umma.

108. Mheshimiwa Spika, katika kufikia malengo ya Programu hii, shughuli zifuatazo zimepangwa kutekelezwa:-

- i. Kulipa mishahara kwa wafanyakazi na stahiki zao;
- ii. Kuwajengea uwezo wafanyakazi kwa kuwapatia mafunzo ya muda mrefu na mfupi;
- iii. Kuandaa vikao vya Kamati zilizomo ndani ya ORMBLM kwa mujibu wa sheria;
- iv. Kutoa huduma za uendeshaji na Utawala katika Ofisi ya Rais na Mwenyekiti wa Baraza la Mapinduzi;
- v. Kufanya ukaguzi wa hesabu za awali na endelevu na Vikao vya Kamati ya ukaguzi;
- vi. Kuandaa Sera ya Mawasiliano ya ORMBLM na mpango mkakati wake;
- vii. Kufanya Ufuatiliaji na Tathmini wa shughuli za ORMBLM;
- viii. Kufanya utafiti juu ya ushiriki na tija kwa Zanzibar katika mikutano ya Kikanda na Kimataifa kutoka 2015/16 - 2017/18;
- ix.

- x. Kukusanya takwimu na kutathmini utekelezaji wa ripoti ya mahitaji ya takwimu ya ORMBLM;
- xi. Kutoa huduma za uendeshaji na Utawala katika Ofisi ya Rais na Mwenyekiti wa Baraza la Mapinduzi Pemba;
- xii. Kufanya upekuzi wa awali wa kiusalama na endelevu kwa wafanyakazi;
- xiii. Kufanya ukaguzi wa kiusalama katika majengo na miundombinu ya Serikali; na
- xiv. Kutoa mafunzo kwa watumishi juu ya utunzaji wa siri na maadili ya kazi.

109. Mheshimiwa Spika, ili Programu ya Utumishi na Uendeshaji wa Ofisi Rais na Mwenyekiti wa Baraza la Mapinduzi iweze kutekelezwa, kwa mwaka wa fedha 2018/2019, naliomba Baraza lako Tukufu kuidhinisha jumla ya TZS. milioni 2,136.8 kwa matumizi ya kazi za kawaida zilizopangwa katika Programu hii.

110. Mheshimiwa Spika, Programu za Ofisi ya Rais na Mwenyekiti wa Baraza la Mapinduzi Fungu A02 ni hizi zifuatazo:-

Programu ya Usimamizi wa Majukumu ya Kikatiba Na Kisheria ya Baraza la Mapinduzi Na Kamati ya Makatibu Wakuu

111. Mheshimiwa Spika, lengo la Programu hii ni kuhakikisha uwajibikaji wa Serikali katika Kutoa huduma kwa Wananchi. Aidha, kuhakikisha malengo ya Wizara na Taasisi za Serikali yanatekelezwa

ipasavyo na kufikiwa. Matokeo ya utekelezaji wa Programu hii ni kuimarika Sera, Sheria na Miongozo yenye kusaidia ukuaji wa uchumi, maendeleo na kudumisha amani na umoja Nchini. Program hii itakuwa na Programu Ndogo mbili zifuatazo:-

- i. Programu Ndogo ya Kuratibu na Kusimamia shughuli za Baraza la Mapinduzi na Kamati zake; na
- ii. Programu Ndogo ya Tathmini ya Utendaji kazi na Uwajibikaji wa Taasisi za Umma.

112. Mheshimiwa Spika, katika kufikia malengo ya Programu hii, shughuli zifuatazo zimepangwa kutekelezwa:-

- i. Kutayarisha vikao vya kawaida vya BLM na Kamati ya Makatibu Wakuu na kufuatilia utekelezaji wa maamuzi yake;
- ii. Kutayarisha vikao Maalum vya Baraza la Mapinduzi na Kamati zake na kufuatilia utekelezaji wa maamuzi yake;
- iii. Kusimamia Programu za mafunzo ya kujenga uwezo kwa Watendaji wa Serikali na Sekretarieti ya Baraza la Mapinduzi;
- iv. Kuandaa vikao vya kuhimiza uwajibikaji wa Watumishi wa Umma kati ya Katibu wa Baraza la Mapinduzi na Katibu Mkuu Kiongozi (KBLM/ KMK) na Watendaji Wakuu wa Wizara na Taasisi za SMZ;
- v. Kuimarisha taswira na hali ya Utumishi wa Umma Nchini;

- vi. Kuimarisha Uhusiano na Ushiriki wa Zanzibar katika Jumuiya na Majukwaa ya Kikanda na Kimataifa;
- vii. Kuratibu kazi na ziara za Waheshimiwa Mawaziri wasio na Wizara Maalum;
- viii. Kutayarisha mikutano kati ya Mheshimiwa Rais na Wizara za SMZ, ili kutathmini utekelezaji wa Mipangokazi na kufuatilia utekelezaji wa maagizo na maelekezo yanayotolewa;
- ix. Kujenga uwezo wa kiutendaji kwa watumishi wa Kitengo cha Ufuatiliaji na Tathmini; na
- x. Kufuatilia utekelezaji wa masuala maalum yanayohusu Sera, Sheria na Maamuzi ya Serikali.

113. Mheshimiwa Spika, ili Programu ya Usimamizi wa Majukumu ya Kikatiba na Kisheria ya Baraza la Mapinduzi na Kamati ya Kitaalamu ya Makatibu Wakuu iweze kutekelezwa kikamilifu, kwa mwaka wa fedha 2018/2019, naliomba Baraza lako Tukufu kuidhinisha jumla ya TZS. milioni 509.8 kwa matumizi ya kazi za kawaida zilizopangwa katika Programu hii.

Programu ya Utumishi na Uendeshaji wa Ofisi ya Baraza la Mapinduzi

114. Mheshimiwa Spika, lengo kuu la Programu hii ni kuimarisha mazingira ya kazi, mahusiano ya umma na kuongeza ujuzi wa wafanyakazi. Matokeo ya utekelezaji wa Programu hii ni kuwa na mfumo bora na wa kisasa wa kuendesha shughuli za Ofisi

za Baraza la Mapinduzi na Uhifadhi wa Nyaraka na Kumbukumbu. Programu hii itakuwa na Programu Ndogo moja ifuatayo:-

- i. Programu Ndogo ya Utumishi na Uendeshaji wa Ofisi ya Baraza la Mapinduzi.

115. Mheshimiwa Spika, katika kufikia malengo ya Programu hii, shughuli zifuatazo zimepangwa kutekelezwa:-

- i. Kuimarisha miundombinu ya majengo pamoja na mazingira yake;
- ii. Kuimarisha huduma za mawasiliano na utekelezaji wa kazi za kila siku;
- iii. Kutoa mafunzo ya muda mrefu na mfupi kwa wafanyakazi;
- iv. Kutoa taaluma ya afya kuhusu maradhi yasiyoambukiza na kujikinga na UKIMWI;
- v. Kuimarisha huduma za Maktaba na Kitengo cha Uandaaji, Usambazaji na Uhifadhi wa Kumbukumbu za BLM; na
- vi. Kuwalipa wafanyakazi mishahara na stahiki zao.

116. Mheshimiwa Spika, ili Programu ya Utumishi na Uendeshaji wa Ofisi ya Baraza la Mapinduzi iweze kutekelezwa kikamilifu, kwa mwaka wa fedha 2018/2019, naliomba Baraza lako Tukufu kuidhinisha jumla ya TZS. milioni 1,451.8 kwa matumizi ya kazi za kawaida.

6. MAOMBI YA FEDHA KWA KAZI ZILIZOPANGWA KUTEKELEZWA KATIKA MWAKA WA FEDHA 2018/2019

6.1 MATUMIZI YA KAWAIDA NA MRADI WA MAENDELEO

117. Mheshimiwa Spika, kwa mwaka 2018/2019, Ofisi ya Rais na Mwenyekiti wa Baraza la Mapinduzi inakadiria kutumia jumla ya TZS. milioni 10,068.8 kwa ajili ya Matumizi ya utekelezaji wa Programu za Fungu A01 na A02. Fungu A01 linakadiriwa kutumia TZS. milioni 8,472.1 kwa kazi za kawaida na mradi wa maendeleo. Kati ya fedha hizo, TZS. milioni 7,472.1 kwa ajili ya kazi za kawaida na TZS. milioni 1,000.0 kwa ajili ya utekelezaji wa mradi wa maendeleo. Fungu A02 linakadiriwa kutumia TZS. milioni 1,961.6 kwa kazi za kawaida (Kiambatisho Namba 9).

1.2 MAOMBI YA FEDHA 2018/2019

118. Mheshimiwa Spika, ili kuiwezesha Ofisi ya Rais na Mwenyekiti wa Baraza la Mapinduzi kutekeleza kazi zilizopangwa kwa mwaka wa fedha 2018/2019, naliomba Baraza lako Tukufu kuidhinisha makadirio ya matumizi ya Programu za Ofisi ya Rais na Mwenyekiti wa Baraza la Mapinduzi zenye jumla ya TZS. milioni 10,068.8. Kati ya fedha hizo, TZS. milioni 9,068.8 kwa ajili ya matumizi ya kazi za kawaida na TZS. milioni 1,000.0 kwa ajili ya utekelezaji wa Mradi wa Maendeleo. Mgawanyo

wa fedha zitakazotumika kwa utekelezaji wa kila Programu umeainishwa katika Kiambatisho Namba 10.

7. MWISHO

119. Mheshimiwa Spika, kwa mara nyengine tena naomba kuchukua fursa hii kumshukuru Mheshimiwa Dk. Ali Mohamed Shein, Rais wa Zanzibar na Mwenyekiti wa Baraza la Mapinduzi kwa kuendelea kuniamini kwa kunipa dhamana ya Waziri wa Nchi, Ofisi ya Rais na Mwenyekiti wa Baraza la Mapinduzi. Vile vile, nampongeza Mheshimiwa Rais kwa juhudi anazozifanya katika kuwaletea maendeleo wananchi wa Zanzibar na kuhakikisha kuwa wanaendelea kuishi kwa amani na utulivu. Nakuombeni Waheshimiwa Wajumbe wenzangu tuendeleo kumuunga mkono Rais wetu katika jitihada zake hizo.

120. Mheshimiwa Spika, kabla sijamaliza hotuba yangu hii naomba kuchukua fursa hii kuwashukuru wananchi wa Jimbo letu la Chwaka kwa kuendelea kuniamini na kwa mashirikiano wanayonipa. Naomba niwathibitishie kwamba tutaendelea kufanyakazi na kutimiza ahadi zangu kadri Mola atakavyotujaalia. Nawaomba waendeleo kunipa ushirikiano, ili tuijenge pamoja Chwaka njema tuitakayo.

121. Mheshimiwa Spika, nawashukuru tena kwa dhati Watendaji wote wa ORMBLM wakiongozwa

na Katibu wa Baraza la Mapinduzi na Katibu Mkuu Kiongozi (KBLM/KMK), Katibu Mkuu ORBLM, Naibu Katibu Mkuu ORBLM, Katibu wa Rais na Naibu Katibu wa Rais kwa utendaji wao mzuri wa kazi ambao unarahisisha kazi zangu za Uwaziri na kusimamia Wizara. Aidha, niwashukuru kwa namna ya kipekee Waheshimiwa Washauri wa Rais katika kufanikisha kazi za Ofisi hii.

122. Mheshimiwa Spika, nakushukuru tena wewe binafsi na Waheshimiwa Wajumbe wa Baraza la Wawakilishi kwa mashirikiano yenu makubwa mnayoendelea kuipatia Ofisi ya Rais na Mwenyekiti wa Baraza la Mapinduzi wakati wote. Ni dhahiri kwamba mafanikio ya utekelezaji wa majukumu na malengo ya Ofisi hii yamewezekana kutokana na ushirikiano wenu. Aidha, nakushukuruni sana Waheshimiwa Wajumbe wote kwa kunisikiliza kwa makini wakati wote nikiwasilisha hotuba hii. Ni matumaini yangu kuwa mtatoa ushauri na michango mizuri itakayosaidia utekelezaji wa majukumu yetu kwa ufanisi zaidi.

123. Mheshimiwa Spika, naliomba Baraza lako Tukufu lipokee, lijadili na kuipitisha Bajeti hii pamoja na kutupatia ushauri na maelekezo ambayo yataimarisha utekelezaji wake.

124. Mheshimiwa Spika, naomba kutoa hoja.

(Issa Haji Ussi Gavu)

**Waziri wa Nchi, Ofisi ya Rais na Mwenyekiti wa
Baraza la Mapinduzi**

KIAMBATISHO 1: RATIBA YA ZIARA YA RAIS UAE

DATE	EVENT	REMARKS
Saturday 20/1/2018	Arrival at Dubai International Airport by EK 726 From Dar es Salaam.	
	Depart Dubai International Airport (Majlis) for Abu Dhabi	Jumeirah at Etihad Towers Hotel.
	Arrival at Abu Dhabi Jumeirah at Etihad Towers Hotel.	
	ABU DHABI	
Sunday 21/01/2018	Private Program	
Monday 22/01/2018	Visit Masdarcity at south east of Abu Dhabi.	Visitythe model city which relies on renewable energy sources
	Visit Sheikh Zayed Grand Mosque.	The largest mosque in the United Arab Emirates
	Arrival and Luncheonat the Hotel	Jumeirah at Etihad Towers Hotel
	Depart for Courtesy call on His Highness Sheikh Mohammed Bin Zayed Al Nahyan	Majlis at Kasr Al Bahar
	Courtesy call on His Highness Shaikh Mohammed Bin Zayed Al Nahyan, Crown Prince of Abu Dhabi and Deputy Supreme Commander of the UAE Armed Forces	To enhance bilateral relations and economic cooperation
	Arrival at the Hotel	Jumeirah at Etihad Towers Hotel
	Courtesy call on H.E. Mohamed Saif Al Suwaid, Director General, Abu Dhabi Fund for Development	At the Presidential Suite, Jumeirah at Etihad Towers Hotel. To discuss Road Project construction of 20 Km road, from Fumba - Airport - Zanzibar Town.
Tuesday 23/01/2018	Depart Abu Dhabi For Dubai	

DATE	EVENT	REMARKS
Tuesday 23/01/2018	DUBAI	
	Visit Jebel Ali Port and Free Zone in Dubai.	Deep port and the largest man-made harbour.
		The world's ninth busiest port and the biggest as well as the busiest port in the Middle-East
	Meeting with UAE Business Community.	At Dubai Chamber of Commerce Headquarters.
		To attract investors in tourism and investment. Presentation by Executive Director of ZIPA
	Courtesy call on His Highness Sheikh Mohammed Bin Rashid Al Maktoum, Vice President, Prime Minister and Ruler of Dubai.	Palace Majlis
	Arrival at the Hotel,	Dubai Palace Downtown Hotel
	Visit Nakheel New City Development and Palm Jumeirah Project.	
Luncheon at Nakheel New City Development and Palm Jumeirah		
Arrival at the Hotel, Dubai.	Palace Downtown Hotel	
Wednesday 24/01/2018	Depart from Dubai Palace Downtown Hotel for Sharjah.	Visit
	Courtesy call on His Highness Sheikh Sultan bin Mohammed Al Qasimi, Supreme Council Member and Ruler of Sharjah.	To continue cooperation in the sector of education with Zanzibar State University.
		Cooperation and development in the health sector pharmaceutical industry and hospital equipment
	Arrival at Sharjah East Fish Processing LLC	Situated at the border of the Emirates of Sharjah and Ajman
Visit East Fish Processing Company.		

DATE	EVENT	REMARKS
	Depart from Sharjah East Fishing Processing LLC to for Dubai	Palace Downtown Hotel
	Arrival at Palace Downtown Hotel in Dubai	
	Depart Palace Downtown Hotel for Al Rawabi Dairy Farm in Sharjah	
	Visit Al Rawabi Dairy Farm and Luncheon at the Farm	
	Depart Al Rawabi Dairy Farm in Sharjah for Ras Al Khaimah.	
	Arrival at Ras Al Khaimah.	Waldorf Astoria Hotel
	RAS AL KHAIMAH	
	Visit Land reclamation Project at Al Marjan Island	
Thursday 25/01/2018	Courtesy call on His Highness Shaikh Saud Bin Saqr Al Qasimi, Supreme Council Member and Ruler of Ras Al Khaimah.	Cooperation on Oil and Gas exploration. Follow up on implementation of MoU between Zanzibar and Ras Al Khaimah.
	Official Luncheon hosted by His Highness Sheikh Saud bin Saqr Al Qasimi, Supreme Council Member and Ruler of Ras Al Khaimah.	Palace Majlis
	Visit Rak Gas Headquarters	
Friday 26/01/2018	Depart Ras Al Khaimah for Dubai Grand Hyatt Hotel.	Grand Hyatt
	Arrives Dubai Grand Hyatt Hotel and luncheon at the Hotel followed by private programme	Grand Hyatt
	DUBAI	
Saturday 27/01/2018	Depart Grand Hyatt for Dubai International Airport.	
	Flight EK 725 takes off for Dar es Salaam.	

KIAMBATISHO 2: ORODHA YA WAGENI WALIOFIKA IKULU NA KUONANA NA MHESHIMIWA RAIS KUANZIA AGOSTI 2017 HADI APRILI, 2018

TAREHE	JINA LA MGENI	CHEO
AGOSTI, 2017		
03.08. 2017	Dk. Leopold Zekeng	Mkurugenzi Mwakilishi wa UNAIDS Nchini Tanzania
04.08.2017	Axel Knospe	Mwakilishi wa Kampuni ya SHELL Nchini Tanzania
10.08.2017	Bwana Xu Xinpei	Meneja wa China "Harbour Engineering Company Ltd".
11.08.2017	Bibi Patricia Boroness Scotland	Katibu Mkuu wa Jumuiya ya Madola
	Mheshimiwa Dk. Asha – Rose Migiro	Balozi wa Tanzania nchini Uingereza
14.08.2017	Mheshimiwa Abdel Fattah Al-Sisi	Rais wa Misri (alikutana nae DSM)
28.08.2017	Mheshimiwa Ameenah Gurib Fakim	Rais wa Jamhuri ya Mauritius
28.08.2017	Prof. Kenneth I. Simala	Katibu Mtendaji wa Kamisheni ya Kiswahili ya Jumuiya ya Afrika ya Mashariki
SEPTEMBER, 2017		
04.09.2017	Mheshimiwa Dk. Lu Youqing	Balozi wa Jamhuri ya Watu wa China nchini Tanzania
06.09.2017	Bwana Kommer Damen	Mwenyekiti wa Kampuni ya "Damen Shipyards" ya Uholanzi
07.09.2017	Dk. Jose Graziano da Silva	Mkurugenzi Mkuu wa Shirika la Chakula na Kilimo la Umoja wa Mataifa (FAO)
20.09.2017	Bwana Stephen B. Kargo	Mwakilishi Mkaazi wa Shirika la Umoja wa Mataifa linaloshughulikia Maendeleo ya Viwanda (UNIDO)
OKTOBA, 2017		
12.10.2017	Prof. Stener Kvinnsland	Afisa Mtendaji Mkuu wa Hospitali ya Chuo Kikuu cha Haukeland Nchini Norway

TAREHE	JINA LA MGENI	CHEO
13.10.2017	Bwana Michel Sidibe	Mkurugenzi Mtendaji wa Shirika la UNAIDS na Naibu Katibu Mkuu wa Umoja wa Mataifa.
13.10.2017	Mheshimiwa Dk. Mohammed bin Hemed Al Ruhmi	Waziri wa Mafuta na Gesi wa Oman
	Dk. Salem bin Nasser Al Ismaily	Kiongozi wa Taasisi ya Uwekezaji wa Oman
	Bibi Matha Al Mahrooqiya	Mshauri wa Waziri wa Utalii wa Oman
	Dk. Ahmed Hamoud Al Habsy	Balozi Mdogo wa Oman, aliyepo Zanzibar
16.10.2017	Mheshimiwa Mohammed Mansour Al Malik	Balozi wa Saudi Arabia nchini Tanzania
17.10.2017	Bwana Stephen B. Kargbo	Mwakilishi Mkaazi wa Shirika la Umoja wa Mataifa linaloshughulikia Viwanda (UNIDO)
	Mheshimiwa Richard Mabonero	Balozi wa Uganda nchini Tanzania
31.10.2017	Bwana Renevan Dengen	Watendaji wa UNICEF
	Bibi Francesca Morandi	
	Bwana Shone Keenan	
	Bwana Masoud Salim	
NOVEMBA, 2017		
09.11.2017	Bibi Jacqueline Mahon	Mwakilishi wa Shirika la UNFPA nchini Tanzania
09.11.2017	Bibi Tully Esther Mwambapa	Mkurugenzi Masoko wa Benki ya CDRB
	Bwana Godwin Sumunyu	Mkurugenzi Mahusiano wa Benki ya CRDB
	Bwana Eusebio Mabofu	Meneja wa Benki ya CRDB, Tawi la Zanzibar
14.11. 2017	Mheshimiwa Dk. G. Viswananthan	Mkuu wa Chuo Kikuu cha VIT nchini India
24.11.2017	Mheshimiwa Rotland Pardede	Balozi wa Indonesia nchini Tanzania

TAREHE	JINA LA MGENI	CHEO
	Mheshimiwa Ali Abdalla Al-Mahruqi	Balozi wa Omani nchini Tanzania
27.11.2017	Mheshimiwa Wang Ke	Balozi wa China nchini Tanzania
	Mheshimiwa Abdulrahman Kaniki	Balozi wa Tanzania nchini Zambia
	Mheshimiwa Meja Jenerali Issa Suleiman Nassor	Balozi wa Tanzania nchini Misri
27.11.2017	Mheshimiwa Prof. Ibrahim Hamis Juma	Jaji Mkuu wa Tanzania
JANUARI, 2018		
16.01.2018	Bwana Kamal Attaya	Afisa Mtendaji Mkuu wa Kamupuni ya RAK Gesi
	Bibi Anayaty Tahir	Mshauri wa Mambo ya Sheria
FEBRUARI, 2018		
05.02.2018	Mheshimiwa Rotland Pardede	Balozi wa Indonesia nchini Tanzania
26.02.2018	Mheshimiwa Muhidin Ally Mbweto	Balozi wa Tanzania nchini Nigeria
	Mheshimiwa Wilroad Peter Slaa	Balozi wa Tanzania nchini Sweeden
27.02.2018	Mheshimiwa Sahabi Isa Gada	Balozi wa Nigeria nchini Tanzania
28.02.2018	Mheshimiwa Jaji Mstaafu Semistcles Kaijage	Mwenyekiti wa Tume ya Taifa ya Uchaguzi (NEC) akifuatana na ujumbe wake.
MACHI, 2018		
06.03.2018	Mheshimiwa Mohammed Fakh Al-Baadawy	Balozi wa visiwa vya Comoro nchini Tanzania.
08.03.2018	Bwana Zhang Peng	Makamu wa Rais Muwandamizi wa Kampuni ya ZTE
	Bwana Yi Yahua	Makamu wa Rais wa Kampuni ya ZTE
09.03.2018	Bwana Li Yong	Mkurugenzi Mkuu wa Shirika la Umoja wa Mataifa linaloshughulikia Viwanda (UNIDO)
27.03.2018	Mheshimiwa Ali Davutaglu	Balozi wa Uturuki nchini Tanzania

TAREHE	JINA LA MGENI	CHEO
27.03.2018	Bwana Gao Mengdon	Meneja Uendeshaji wa Kampuni ya HUAWEI
	Bwana Omar Zeng	Mkurugenzi wa Kampuni ya HUAWEI Zanzibar
	Bwana Gavan Zhao	Meneja Mahusiano wa Kampuni ya HUAWEI
APRILI, 2018		
03.04.2018	Prof. Mark Mwandosya	Mwenyekiti wa Bodi ya Chuo cha Kumbukumbu ya Mwalimu Nyerere pamoja na Wajumbe wa Bodi
05.04.2018	Bwana Han Guangshu	Mkurugenzi wa "Nanjing Drum Tower Hospital" ya nchini China.
06.04.2018	Mheshimiwa IGP Mstaafu Ernest Jumbe Mangu	Balazi wa Tanzania Nchini Rwanda
	Mheshimiwa Meja Jenerali Mstaafu Simon Marco Mumwi	Balazi wa Tanzania Nchini Urusi
09.04.2018	Bwana Zhou Junxue	Mwenyekiti wa Kampuni ya "Kunshan Asia Aroma Coperation Limited"
	Bwana Fu Chun Jiang	Mkurugenzi wa kampuni ya "Kun Kunshan Asia Aroma Cooperation limited" nchini China.
	Bwana Mr. Yang Ming	Mkurugenzi Biashara ya Kimataifa wa China
17.04.2018	Bwana Jecha Salim Jecha	Mwenyekiti wa Tume ya Uchaguzi Zanzibar (ZEC) akifuatana na Wajumbe wa Tume ya Uchaguzi Zanzibar.
19.04.2018	Bwana Mohamed Elabbady	Makamu wa Rais wa Shirika la Ndege la Misri (Egyptair) aliyepo nchini Misri.
28.04.2018	Bwana Jean Boustany	Mwakilishi wa Kundi la Makampuni ya "Privinvest and Advanced Marine Transport (ATM)", kutoka Dubai.

KIAMBATISHO 3: VIPINDI VILIVYORUSHWA HEWANI NA IDARA YA MAWASILIANO NA HABARI IKULU-ZANZIBAR 2017-2018

Vipindi vya radio

NAM.	JINA LA KIPINDI	KITUO CHA KURUSHIA VIPINDI - REDIO	TAREHE YA KURUSHWA HEWANI
1.	Utekelezaji wa majukumu ya Idara ya Mawasiliano na Habari Ikulu – Mahojiano na Mkurugenzi wa Idara ya Mawasiliano na Habari Ikulu		2/8/2017
2.	Sehemu ya kwanza - Uzinduzi wa Tawi jipya la CRDB Chake Chake, Pemba		13/09/2017
3.	Maoni ya Wananchi kuhusu Ujenzi wa Barabara Ya Jendele-Cheju-Kaebona	ZBC-REDIO	27/09/2017
4.	Maendeleo ya Skuli ya Sekondari ya Moh'd Juma Pindua	"	25/10/2017
5.	Maoni ya Wananchi kuhusu Ujenzi wa Soko Jipya la Samaki na Mboga - Tibirinzi	"	8/11/2017
6.	Utekelezaji wa Ahadi za Dk. Shein - ufikishwaji wa Nishati ya Umeme Kisiwa cha Fundo	"	22/11/2017
7.	Kipindi maalum - mahojiano na Uongozi wa Zawa kuhusu Utekelezaji wa Ilani ya Uchanguzi Sekta ya Maji	"	13/12/2017
8.	Maoni ya Wananchi wa Mlilile na Banda Maji - Juu ya Ziara ya Dk na Hatua za Utekelezaji wa Maagizo yake	BADO KWENDA HEWANI	27/12/2017
9.	Maoni ya Wazee wa Vitongoji na Wawi - Miaka 54 ya Mapinduzi ya Zanzibar	"	10/1/2018
10.	Jumuiya ya Wazee na Wanadiaspora	"	24/1/2018
11.	Maendeleo Kijiji cha Ngomeni	"	7/2/2018
12.	Utekelezaji wa Ahadi za Dk. Shein - Shehia ya Matemwe Kusini-Mbuyu Maji	"	14/02/2018
13.	Uzinduzi wa Umeme Kisiwa cha Fundo	"	14/03/2018
14.	Maendeleo ya Kituo cha Afya cha Michenzani	"	28/03/2018

NAM.	JINA LA KIPINDI	KITUO CHA KURUSHIA VIPINDI - REDIO	TAREHE YA KURUSHWA HEWANI
15.	Mwaka mmoja na nusu Hospitali ya Abadalla Mzee	"	18/4/2018

Vipindi vya Televisheni

NAM.	JINA LA KIPINDI	KITUO CHA KURUSHIA VIPINDI - TV	TAREHE YA KURUSHWA HEWANI
1.	Kipindi maalumu - Mahojiano na Mkurugenzi wa ZURA	ZBC-TV	5/10/2017
2.	Mahojiano na Uongozi wa Mamlaka ya Maji Zanzibar - ZAWA	"	12/10/2017
3.	Utekelezaji wa ahadi za Dk. Shein - ufikishwaji wa Nishati ya umeme Kisiwa cha Fundo	"	19/10/2017
4.	Utekelezaji wa ahadi za Dk. Shein - ufikishwaji wa Nishati ya umeme na vyombo vya usafiri Kisiwa Panza - Chokocho	"	2/11/2017
5.	Maendeleo ya Skuli ya Sekondari ya Moh'd Juma Pindua	"	23/11/2017
6.	Ziara ya Dk. Shein Falme za Kiarabu	"	15/02/2018

**KIAMBATISHO 4: WAFANYAKAZI WALIOPATIWA MAFUNZO KWA
MWAKA 2017/2018**

Mafunzo ya muda mrefu

NAM.	NGAZI YA ELIMU	FANI	IDADI YA WAFANYAKAZI		JUMLA
			M'MKE	M'ME	
1.	Shahada ya Uzamivu	Lugha ya Kiswahili		1	1
		Sayansi ya Siasa		1	1
		Sheria za Kimataifa	1		1
2.	Shahada ya Uzamili	Uchumi		1	1
		Usimamizi wa Maktaba	1		1
3.	Shahada ya Kwanza	Mawasiliano	1		1
		Takwimu	1		1
		Ustawi wa Jamii	1		1
		Maendeleo	1		1
		Teknolojia na Biashara		1	1
		Uongozi wa Biashara		1	1
		Sheria	1		1
		Uongozi wa Rasilimali Watu	1		1
4.	Stashahada	Usimamizi wa Utalii na Ukarimu	1	1	2
		Manunuzi na Ugavi		1	1
		Uongozi wa Rasilimali Watu	1		1
5.	Astashahada	Upishi	1		1
	Jumla ndogo		11	7	18

MAFUNZO YA MUDA MFUPI

NAM.	NGAZI YA ELIMU	FANI	IDADI YA WAFANYAKAZI		JUMLA
			M'MKE	M'ME	
1.	Mafunzo mafupi	Maendeleo ya Utalii	1		1
2.	Mafunzo mafupi	Vijana na Jumuiya ya Afrika Mashariki	50	50	100
3.	Mafunzo mafupi	Usimamizi Wa Utalii na Ukarimu	1	3	3
4.	Mafunzo mafupi	Maradhi yasioambukiza	40	40	80
5.	Mafunzo Mafupi	Maradhi ya Ukimwi	40	40	80
6.	Mafunzo mafupi	Usimamizi wa Utalii na Uchumi	15	10	25
7.	Mafunzo mafupi	Mafunzo ya Kuzima Moto na Uokozi	35	41	76
	Jumla ndogo		182	183	365
	Jumla Kuu		158	149	383

KIAMBATISHO 5: IDADI YA WATUMISHI WALIOKWENDA LIKIZO

NAM.	JINA LA IDARA/TAASISI	UNGUJA		PEMBA		JUMLA KUU
		M'ME	M'MKE	M'ME	M'MKE	
1.	Ofisi ya Faragha ya Rais	23	21			44
2.	Baraza la Mapinduzi	4	9			13
3.	Idara ya Mipango Sera na Utafiti	0	0			0
4.	Idara ya Uendeshaji na Utumishi	5	5			10
5.	Ushirikiano wa Kimataifa na Uratibu wa Wazanzibari Wanaoishi Nje	0	2			2
6.	Idara ya Mawasiliano na Habari Ikulu	2	0			2
7.	Ofisi ya Rais na Mwenyekiti wa Baraza la Mapinduzi Pemba		0	8	7	15
	JUMLA KUU	34	37	8	7	86

KIAMBATISHO 6: ORODHA YA TAASISI ZILIZOFANYIWA UPEKUZU

NAM.	WIZARA/TAASISI	IDADI
1.	Wizara ya Afya	518
2.	Wakala wa Usajili wa Matukio ya Kijamii	32
3.	Wizara ya Habari, Utalii na Mambo ya Kale	46
4.	Ofisi ya Rais Tawala za Mikoa, Serikali za Mitaa na Idara Maalum za SMZ	60
5.	Wakala wa Serikali wa Uchapaji	09
6.	Chuo Kikuu cha Taifa Zanzibar (SUZA)	13
7.	Shirika la Umeme (ZECO)	45
8.	Wizara ya Fedha na Mipango	122
9.	Wizara ya Ardhi, Maji na Nishati	36
10.	Mamlaka ya Udhhibiti wa Huduma za Maji na Nishati Zanzibar (ZURA)	22
11.	Mahakama Kuu Zanzibar	28
12.	Mamlaka ya Mafunzo ya Amali	14
13.	Wakala wa Maabara na Mkemia Mkuu	35
14.	Wizara ya Elimu na Mafunzo ya Amali	1,010
15.	Shirika la Bima la Zanzibar	26
16.	Wizara ya Ujenzi, Mawasiliano na Usafirishaji	65
17.	Wizara ya Biashara na Viwanda	14
18.	Mamlaka ya Viwanja vya Ndege	06
19.	Taasisi ya Karume ya Sayansi na Teknolojia	20
20.	Shirika la Viwango (ZBS)	11
21.	Wizara ya Kazi, Uwezesaji Wazee, Wanawake na Watoto	10
22.	Wizara ya Kilimo, Maliasili, Mifugo na Uvuvi	04
23.	Ofisi ya Makamu wa Pili wa Rais	04
24.	Wakala wa Utafiti wa Mifugo	03
25.	Ofisi ya Rais na Mwenyekiti wa Baraza la Mapinduzi	02
26.	Benki ya Watu wa Zanzibar (PBZ)	20
27.	Shirika la Utangazaji Zanzibar (ZBC)	09
28.	Baraza la Wawakilishi	02
29.	Shirika la Meli na Uwakala	03
30.	Ofisi ya Mdhhibiti na Mkaguzi wa Hesabu za Serikali	95
31.	Tume ya Mipango Zanzibar	01
	JUMLA	2,285

KIAMBATISHO 7: IDADI YA WATUMISHI WALIOPEWA MAFUNZO YA UDHIBITI NA UTUNZAJI SIRI NA TAASISI WANAZOTOKA

NAM.	TAASISI	IDADI
1.	OFISI YA RAIS NA MBLM DAR ES SALAAM NA DODOMA	17
2.	MAKATIBU MUHTASI WA WIZARA ZA SMZ	24
3.	MASHEHA MKOA WA MJINI MAGHARIBI	112
4.	MASHEHA MKOA WA KASKAZINI UNGUJA	68
5.	MASHEHA MKOA WA KUSINI UNGUJA	61
6.	MASHEHA MKOA WA KASKAZINI PEMBA	55
7.	MASHEHA MKOA WA KUSINI PEMBA	53
8.	BODI YA MAPATO ZANZIBAR	135
	JUMLA	525

**KIAMBATISHO 8: ORODHA YA NYARAKA ZA SERA NA SHERIA
ZILIZOJADILIWA NA BARAZA LA MAPINDUZI KWA KIPINDI CHA
JULAI – MACHI 2017/2018**

NAM.	SERA/SHERIA
1.	Mswada wa Kufuta Sheria ya Uchaguzi Nambari 11 ya Mwaka 1984 na Kutungwa Upya Sheria ya Usimamizi wa Uchaguzi ya Mwaka 2017.
2.	Mapendekezo ya Kutunga Sheria ya Kuanzisha Shirika la Maendeleo ya Viwanda Vidogo vidogo na vya Kati Zanzibar.
3.	Mapendekezo ya Kutungwa kwa Sheria Mpya ya Uanzishwaji wa Sheria ya Bima ya Afya, Zanzibar.
4.	Mswada wa Sheria ya Marekebisho ya Sheria mbalimbali, 2017.
5.	Mswada wa Sheria ya Kuanzisha Taasisi ya Usajili wa Matukio ya Kijamii na Kadi za Utambulisho wa Mzanzibari Mkaazi.
6.	Kuanzisha Sheria ya Mkaguzi Mkuu wa Elimu, Zanzibar.
7.	Mapendekezo ya Kutungwa Sheria ya Kusimamia Ushindani Halali wa Biashara na Kumlinda Mtumiaji pamoja na Kufuta Sheria Namba 2 ya Mwaka 1995 ya Kusimamia Mwenendo wa Biashara na Kumlinda Mtumiaji.
8.	Mswada wa Sheria ya Kufutwa na Kutunga Upya Sheria ya Adhabu Namba 6 ya Mwaka 2004 ya Sheria za Zanzibar.
9.	Mswada wa Sheria ya Kufutwa na Kutunga Upya Sheria ya Mwenendo wa Makosa ya Jinai Namba 7 ya Mwaka 2004.
10.	Rasimu ya Sera ya Utalii.
11.	Rasimu ya Sera ya Michezo.
12.	Rasimu ya Sera ya Taifa ya Ardhi.

**KIAMBATISHO 9: MAPITIO YA UPATIKANAJI WA FEDHA KWA
MWAKA WA FEDHA 2017/2018**

JINA LA IDARA	PROGRAMU NDOGO	BAJETI KWA MWAKA WA 2017/2018	FEDHA ZA MIEZI TISA 2017/2018	ASILIMIA YA FEDHA KWA MWAKA
Ofisi ya Faragha ya Rais	Kusimamia Huduma na Shughuli za Mheshimiwa Rais	3,360,876,000	2,009,424,015	60
	Uratibu wa Shughuli za Mheshimiwa Rais (Mradi wa Maendeleo)	730,000,000	500,000,000	68
Idara ya Mawasiliano na Habari - Ikulu	Kuimarisha Mawasiliano baina ya Serikali na Wananchi	303,211,000	244,401,205	81
Ofisi ya Baraza la Mapinduzi	Uratibu wa shughuli za Baraza la Mapinduzi na Majukumu ya KBLM/KMK.	139,531,000	99,075,800	71
	Tathmini ya Utendaji Kazi na uwajibikaji wa Taasisi za Umma	254,499,000	132,424,000	52

JINA LA IDARA	PROGRAMU NDOGO	BAJETI KWA MWAKA WA 2017/2018	FEDHA ZA MIEZI TISA 2017/2018	ASILIMIA YA FEDHA KWA MWAKA
	Utumishi na Uendeshaji wa Ofisi ya Baraza la Mapinduzi	1,313,870,000	1,031,500,200	79
Idara ya Ushirikiano wa Kimataifa na Uratibu wa Wazanzibari Wanaoishi Nje	Kuratibu Shughuli za Serikali ya Mapinduzi ya Zanzibar, Kikanda na Kimataifa	306,389,000	227,963,250	74
	Kuratibu Shughuli za Wazanzibari Wanaoishi nje ya Nchi	202,065,000	174,005,000	86
Idara ya Uendeshaji na Utumishi	Uratibu na Usimamizi wa Shughuli za Ofisi ya Rais na Mwenyekiti wa Baraza la Mapinduzi	1,240,062,000	888,124,740	72
Idara ya Mipango, Sera na Utafiti	Uratibu wa Shughuli za Mipango, Sera na Utafiti za ORMBLM	286,964,000	221,248,570	77
Ofisi ya Rais na Mwenyekiti wa Baraza la Mapinduzi - Pemba	Uratibu na Usimamizi wa Shughuli za ORMBLM - Pemba	860,133,000	645,718,763	75
Ofisi ya Usalama wa Serikali (G.S.O)	Kusimamia Usalama wa Watumishi wa Umma	75,000,000	56,262,000	75
	Jumla	9,072,600,000	6,230,147,543	69

**KIAMBATISHO 10: MAKADIRIO YA MAPATO NA MATUMIZI YA BAJETI
KWA MWAKA WA FEDHA 2018/2019**

PROGRAMU KUU/PROGRA MU NDOGO	MSHAHARA	UENDESHAJI OFISI	MATUMIZI YA MAENDELEO	MAPENDEKEZO 2018/2019
Kusimamia huduma na shughuli za Mheshimiwa Rais na Kuimarisha Mawasiliano Ikulu	2,219,208,240	2,779,515,752	100,000,000	4,998,723,992
Kusimamia Huduma na Shughuli za Mheshimiwa Rais	2,082,765,300	2,475,099,752	100,000,000	4,557,865,052
Kuimarisha Mawasiliano baina ya Serikali na Wananchi	136,442,940	304,416,000	-	440,858,940
Usimamizi wa Majukumu ya Kikatiba na Kisheria ya Baraza la Mapinduzi na Kamati ya Makatibu Wakuu	936,000,000	509,800,000	-	1,445,800,000

Uratibu wa shughuli za Baraza la Mapinduzi na Majukumu ya KBLM/KMK.	936,000,000	404,765,000	-	404,765,000
Tathmini ya Utendaji Kazi na uwajibikaji wa Taasisi za Umma		105,035,000	-	105,035,000
Utumishi na Uendeshaji wa Ofisi ya Baraza la Mapinduzi		515,800,000	-	515,800,000
Kuratibu Ushirikiano wa Kikanda, Mashirika ya Kimataifa na Wazanzibari Wanaoishi Nje ya Nchi	89,170,320	448,795,000	-	537,965,320
Kuratibu Shughuli za Serikali ya Mapinduzi ya Zanzibar, Kikanda na Kimataifa	89,170,320	270,780,000	-	359,950,320
Kuratibu Shughuli za Wazanzibari Wanaoishi nje ya Nchi		178,015,000	-	178,015,000
Utumishi na Uendeshaji wa Ofisi ya Rais na Mwenyekiti wa Baraza la Mapinduzi	1,358,521,440	1,576,889,248	-	2,935,410,688

Uratibu na Usimamizi wa Shughuli za Ofisi ya Rais na	728,107,860	778,899,248	-	1,507,007,108
Mwenyekiti wa Baraza la Mapinduzi				
Uratibu wa Shughuli za Mipango, Sera na Utafiti za ORMBLM	146,419,860	261,408,000	-	407,827,860
Uratibu na Usimamizi wa Shughuli za ORMBLM - Pemba	483,993,720	370,000,000	-	853,993,720
Kusimamia Usalama wa Watumishi wa Umma	-	166,582,000	-	166,582,000
JUMLA KUBWA	4,602,900,000	5,830,800,000	100,000,000	10,433,700,000